



滇
繫

ル 5
3254
40



凡 5
3254
40

滇繫書目

趙州師 範荔屏纂輯

雜載一冊全

响嶼碑	金馬碧雞文	布燮詩	廣度銘	賓川賦
大士章	董潭龍	潤筒汪	溫泉鸚鵡	石坪雲
琴經	菩薩鬘	歷日表	炎徼紀聞	王恕再來
大	寺山碑	楊張交	虎負屍	王左梨
碑	浚泉亭	謠神謫	高氏女	馬判
猛廷瑞	阿羅陀國表	阿羅單國表	阿羅跋摩表	
				哀牢

具卷十一之一

雜載目錄

昭
和
十
七
年
六
月
三
十
日
購
求

籬卜 方言 街子 十二市 戌日祭祖 風俗 滇貝
獬夷字 劉清卿 俞保 山壓谷 猛告 糧運難
麓川破 回回教 龍潭 寶井石 瘴 弓衣詩
邊地草 火把節 魯梅 女蔽面 蠱 西海 得沖
氣 梁州貢 瓢笙 白蟒飛 九字詩 黃氏詞 鄧
巡按 徐楚 賀朝用 陸綸 陳公信 陳敬亭 下
臨海 馬雲龍 孫世芳 元夕詩 迎佛會 觀音市
賽龍神 飲食同 厚瓦 滇中氣候 大理 臨安
鶴慶 永騰 黃金蛇 嗽金鳥 天婚 五樓山

崔君廟 山裂 尚京官 梁王墓 傅巡按 雞足僧
楊都師 無言和尚 青神分水 角端語 蛟化人
僧志登 錢能死 吉中官 范孝子 金蝦蟆 王
用之 趙縣尹 趙先生 郭主簿 何兵備 阿定鄉
晁通判 吳弋陽 張神童 雷震猾書 感雨亭
聶分巡 黃姚安 劉謹 費良弼 懷遠侯 杜光庭
李善 脫脫死 僉事謫 曹石霞 楊應鸚 曹太
狂 張登雲 學師爲城隍神 廈膩叱虎 毛尚達死
難 虞虞山書法 歸化寺山茶 禺山諺 避風臺

詩泣鬼神 龍淙洞 花紅洞 壽胚胎洞 清平洞

漁澄洞 安公冶 彩雲 起旱蛟 方主事 彭禹峯

石丹崖詩 錢學使 唐約洲 高餘干 黃月軒

蘇硯北絕句 蘇柏軒 龔簪巖 彭竹林 楊栗亭

袁葦塘 王聖峯 許丹山 陳穎村父子 金先生詩

識 老廣文詩畫 楊芝翁 洪棕巖 趙所園 沙雪

湖 嚴解元 汪督學 文望山 張溟洲 方大朱四

李葦齋 趙覺莊 王雪廬 王宋二老 李通經

倪東平 楊松舟 段進士 陸孝廉 征雲南 怒江

非潞江 西域傳 幼名冠字 唐侍御 武將能詩

用盡 山歌九章 張退菴畫 滇祀典 李么大 白

崖缺猫 白石江 房師轉生 辛丑闈中詩 逆賊亦

能詩 鄉先輩 李中丞 滇婦女 李恭人 黑水

段蒙裔 九鼎山 水目山 竹埽寺 石寶山 獅山

弔黃谷 郝太極 施德裕 郭定襄 鬢華山殺賊

歌 再度大金沙江 補山相國 緬甸役 竹園詩

嚴商兩耆宿 屠笏崖 吳少參 女士官 李侍講

鄂尹兩相國 阿文成公 博觀察 王趙聯句 副將

軍 蕭曙堂詩 劉武進 滇中掌故 緬字

滇繫

雜載繫

趙州師 範荔扉纂輯

門	與	輔	承
門	與	輔	承
貴	登	佐	帝
貴	登	佐	帝
身	烏	御	日
身	烏	御	日
流	獸	州	嗟
流	獸	州	嗟
流	之	渚	期
流	之	渚	期

漢書卷之二十一之二

雜載

一

辰	形	岳	久	而
往	析	麓	旅	明
求	心	庭	忘	發
平	网	知	家	爾
定	弗	營	宿	興

衣	徒	伸	疏	華
制	南	裡	事	嶽
食	噴	鬱	哀	泰
備	衍	塞	勞	衡
萬	亨	昏	餘	宗

國

永

其

奔

宵

窟

舞

真州程荃縮臨

此响樓碑也俗名禹王碑乃明謫史楊公慎所釋禹山子謂其既得是刻考文釋義晝夜摹畫不解者四字夢黃衣魚首人告之曰南濱衍亭于是豁然起而錄之較他本極為穩順遂立石宏聖寺之南作禹碑歌且序其前曰禹碑在衡山絕頂韓文公詩云响樓山尖神禹碑字青石赤形模奇科斗拳

身齷倒披鸞漂鳳泊拏虎螭事嚴跡閱鬼莫窺道士獨上偶見之我來咨嘆涕連雨千按萬索何處有森森綠樹猿猴悲詳詩語始終公蓋至其地未見其碑所謂青字赤石之形模科斗鸞鳳之點畫述道士口語耳若見之發揮稱贊豈在石鼓之下迨宋朱張同遊南岳訪求不獲後晦翁著韓文考異遂謂衡山實無此碑反以韓詩為傳聞之誤云再考六一集古錄趙明誠金石錄鄭漁仲金石略古刻臚列無遺獨不見所謂禹碑則自昔好古名流得見是刻者亦罕矣碧泉張子得墨本於楚持以貺予予撫卷而歎曰嗟乎韓公所謂事嚴

跡閱者信夫不然安得三千餘年而完整無泐如此哉何昔
之晦何今之顯晦者或翳之顯者或啟之天壽珍物神飫吾
嗜不必以生世太晚爲恨也已作禹碑歌以紀之神禹碑在
峒巖尖祝融之峯凌朱炎龍畫傍分結構古螺書匾刻文鋒
銛萬八千丈不可上仙扃靈鑰幽以潛昌黎南遷曾一過紛
披芙蓉舉水簾天柱夜瞰星辰下雲堂朝見陽輝暹追尋夏
載赤石峻封埋古刻蒼苔黏拳科倒巖形已近鸞漂鳳泊辭
何纖墨本流傳世應罕青字名狀人空瞻永叔明誠及浹際
集古金石窮該兼臚列箴銘暨款識橫陳駢駟和釜鬻胡爲

至寶反棄置拈撫磨蟻捐烏蟾又聞朱張遊岳麓霽雪天風
影佩褱揆奇索祕跡欲徧春倡撞和詩無厭七日崎嶇信有
覲一字膏馥甯忘拈非關峭嶮阻登陟定是藤葛籠窺覘好
古予生嗟太晚拜嘉君貺情深炊老眼增明若發覆尺喙禁
斷如施籍七十七字拏螭虎三千餘歲叢蛇蚺憶昔乾坤漏
息壤蕩析蒸庶依苓慘帝嗟懷襄咨文命卿佐澤洞分憂憫
洲并渚混沒營窟烏迹獸蹄交門簷榻來南雲又北夢直磬
西被仍東漸黃熊三尺變鮫服白狐九尾歌龐祠後乘包湖
受玉錄前列溫洛呈疇臚永奔竄舞那辭朕平成天地猶垂

謙華嶽泰衡祇鎮定鬱塞昏徒逃嗎險文章絢爛懸日月風
雷呵護環屏黔君不見周原石鼓半已泐秦湫楚詛全皆殲
此碑雖存豈易得障有嵐靄峰嶷巖聲音負絕拄藜藿弔影
颯瑟森樛栴湘娥遺佩冷斑竹山鬼結旗零翠蔽造物精英
忌洩露祇恐羽化難留淹欲摹拓本鐫崖壁要使好事傳緇
縑著書重訂琳瑯譜裝帖新耀瓊瑤籤麝煤輕翰蟬翅榻煩
君再寄西飛鸚子于乾隆辛亥春署太和教諭亦題七古一
章云新都太史湖海姿讀書萬卷無匿辭老向南中作戍客
訂殘補缺窮毫釐碧泉翁忽出秘本

安甯張中丞

响樓舊搨神所

遺鸞飄鳳泊今始復七十七字何雄奇公以意會意各翁四
字未獲心游移黃衣魚首夜入夢南瀆衍亨曰勿疑是物隱
顯信有數重之不啻尊兼彝點蒼伐石詔匠氏雕鏤冰雪精
磨治穹碑卓立伴一塔寶氣下照葉榆池宛然旁分並扁刻
崔融云龍形旁分螺書扁刻厥文蝌蚪形蛟螭我聞在昔憂洛洞王乘四
載凜帝咨元圭用錫幹父蠱導江鑿河鎖支祈八年于外績
乃底更千百世歌雍熙此書此銘天地魄卽藏荒僻終難私
韓昌黎云干接夢得云古石琅玕朱張晦翁與南軒尋之
萬索何處有劉姿祕文龍虎形不得遂著韓文考
異謂爲傳旣王郭允伯遂因之以爲僞作言真言僞如分
聞之誤

歧拘儒往往事耳食以管窺豹飴附脂鴻章巨製輕置喙嶧
山轉憶丞相斯似茲體勢洩造化奚必侈談軒與義手闢重
昏揭星月玉書金簡空淋漓挑燈細核集古錄誰其繼者歧
陽詩碧泉名素嘉靖癸未進士歷官四川巡撫屢著殺賊功
碑于嘉靖甲午出自岳麓山中碧泉時備兵楚南得以摹印
今安甯亦有鐫本錢南園云衡山皆紅砂石且風高凡碑刻
兩閱寒暑無不剝泐滇中如陸涼州舉府君碑昆陽州王仁
求碑太和縣南詔德化碑玉腕師證道碑黃華老人詩碑經
千百年猶自完整真屬可寶也

漢持節使王褒謹拜
南崖敬移金精神馬
縹碧之雞霧南之荒
溪谿回台非土之鄉
歸未歸來漢德無疆
廣于唐虞澤配三皇

真繁 十二之一

雜載

六

黃 歸 見 白 帟 仁 歸
未 歸 未 可 以 為 倫 歸
于 翺 于 何 事 南 荒 也

漢宣帝用方士言遣諫議大夫王褒往益州求金馬碧雞至蜀道阻乃爲文望祀之楊升菴鐫置太華山南崖且題曰爰糾漢字用彪漢詞滇之文獻尚考于斯歲久無存囑衛衫同禹碑縮臨于此想亦好古者所樂觀也

南蠻所都之地號曰長和國呼宰相爲布燮王蜀後主乾德中南蠻選布燮段義宗判官贊衛姚岑等爲使入蜀義宗不欲朝拜遂禿削爲僧號曰大長和國左街崇聖寺賜紫沙門銀鉢旣而屆蜀羣臣議奏僧有胡法宜令禮拜義宗于是失節焉至于談論敷奏道理一歌一詠捷應如流有題大慈寺芍藥云浮花不與衆花同爲感高僧護法功繁影夜鋪方丈月異香朝散講筵風尋真自得心源靜觀色非貪眼界空好是芳馨堪供養天教生在釋門中又題三學院經樓云鷲嶺鷄園不可儔叨陪龍象喜登遊玉排複道珊瑚殿金錯危欄

翡翠樓尙欲皈依求四諦敢辭旋繞滿三周義和鞭撻金烏
疾俗網无由肯駐留又題曰當今積善競修崇七寶莊嚴作
梵宮佛日明時齊舜日皇風清處接慈風一乘妙理應難測
萬劫良緣豈易窮共恨塵凡非法侶棹鞭歸去夕陽中又題
判官贊衛有聽歌妓洞雲謔略云稽叔夜鼓琴飲酒無閑暇
若使當時聞此歌拋擲廣陵渾不謝劉伯倫劉伯倫虛生浪
死過青春一飲一顧獨自醉無人爲爾下梁塵又思鄉云瀘
北行人絕雲南信未還庭前花不埽門外柳誰攀坐久消銀
燭愁多減玉顏懸心秋夜月萬里照關山似此製作實爲高

手于所上章表頗生輕易而國師常瑩辯廣光業等酬酢偈
句皆失機宜遂不令還遇鳩而卒

僧廣度原名曾倬中雲南嘉靖甲子鄉試知楚之瀘溪縣致
仕歸精研禪理號卓然子一旦忽有悟祝髮棄家住香林水
月兩寺萬曆庚子杖錫禮峩眉普陀諸勝至杭之雲棲寺依
沈蓮池受度今名過瀘溪邑人以舊令故攀留供養忽感微
疾預知逝期翛然而化黔撫郭子章贊其像曰僧而帝創業
之明主帝而僧建文之寄寓僧而侯虎邱之廣孝令而僧滇
池之廣度蓋自古王侯皆然而何分于玉輅韋布公起儒紳

出長民庶已趨寂教忽焉頓悟普陀加鞭雲棲解屣遨遊五
老至止三顧雞足卓錫大酉軒翥乙未而生癸卯而故瀘溪
而仕瀘溪而任將華藏海會之赴而何心于金馬碧雞之駐
將諸上善人之與聚而奚羨夫震旦五濁之屬嗟嗟廣度從
今大寤神留水月萬年旦暮

明正德間賓州北力角三營遇賊村人皆避惟卜御連環
二人持棒與賊鬪良久人謂其必死頃之賊奔退後村人追
得一賊問之賊曰彼時見關聖綠袍赤馬揮刀下來是以逃
也

明成化間太和縣趙弼以進士爲邯鄲知縣老母在堂家信
久隔值生日思母心切忽風飄一黃紙落案前取視之乃其
母以是日禱于大士之章也

明嘉靖二十六年夏不雨趙州知州潘嗣冕憂甚或曰湯顛
村董秘密僧潭中有龍能興雲雨公潔誠往取之將至龍見
于道左形圓類工魚長不滿尺吻左右有金線二道直至尾
尾似鰭而末兩分腹下四足有爪如龍惟三鱗碧色光澤不
畏人視之入瓶中行近州大雨如注三日乃止放之野雷雨
而去

普渡河金沙江巖險水汹不可舟楫以藤組縛於兩岸樹上
組上架一木筒渡者以繩縛身繫於筒上兩手捏筒緣藤溜
而過所謂渡索尋橦是也俗名溜筒

東坡詩紀所經溫泉天下七處以驪山爲最滇中甯州白崖
曲江德勝關浪穹宜良鄧川三泊江川羅次曲靖所在皆有
不止數十處而安甯爲最凡溫泉皆有硫磺氣而安甯則無
舊有人見其竅出丹砂數粒迺知其下有丹砂故泉甲於他
處明楊慎稱爲天下第一湯傳聞徽州黃山溫泉亦類此後
周王褒溫泉銘曰白磬上徹丹砂下沈華清駐老飛流瑩心

乃知溫泉所在必白磬丹砂硫黃三物爲之根乃蒸爲煖流
耳

後漢興平元年蠻夷獻鸚鵡三詔曰往者益州獻鸚鵡三枚
夜食三升麻子今米價騰貴此鳥無益有損可付安西將軍
楊定國令歸本土

三國漢建興三年孔明南征句町北望雲凝如蓋恐有蠻兵
潛伏密訪其境就雲之團聚處掘土尺餘遍地皆石其形如
盤孔明占云石爲雲根雲爲文彩千餘年後必有規方是域
而文明儼中州者元至正十年建州爲石坪令羅撒巡鎮明

太祖易坪爲屏

三國漢諸葛亮南征嘗撫琴滇人有願學者乃著琴經一卷述琴之始及七絃十三徽之音意

唐詞有菩薩蠻不知其義一說開元中南詔入貢危髻金冠纓絡被體故號菩薩髻因以製曲佛戒諦云香油塗身華髻被首今曲名髻作蠻非也

王伯厚詞學指南載宋重和戊戌以代雲南節度使大理國主謝賜曆日爲表題試士觀此則重宣之際宋人未嘗無意於雲南特力不及爾指南載詞學題名戊戌中式者爲崔嗣

道宇文彬張守二人

明田汝成炎徼紀聞敘猛密猛養事與他書異附論曰猛密猛養之亂譬如蔓草樹以中官灌以閣輔日益滋長雖欲芟刈不可得矣麓川之役舉朝皆以爲非謂王振專權逞忿而李文達公賢亦云麓川初叛不委沐晟而遣別將遂至喪師此皆失實思任抗王師殲大將釋而不誅辱國益甚振之罪惡通天若主征麓川義正言順不可非也三原王公恕言亦與文達略同溢美文過爲家狀所蒙未知國史所傳竟何稽也其敘諸夷附論曰堪輿仁分函夏之地黎首蠢蠢與鳥獸

無異五帝三皇賢聖遞作獎掖以仁義陶鎔以禮樂而匡弼以刑罰然後人知衣冠之華飲食之美而彝倫之重其在四裔魑魅之與遊豺狼之與居仁義禮樂之教刑罰之政曾未目覩猶如函夏之初何怪其俗之醜惡也夫四隅之地西北爲首東北次之東南又次之西南其最後者也周初封箕子於朝鮮卽爲嘉域而淮徐之區擯爲外地太伯端委以治吳猶不革斷髮文身之習秦開百粵而漢武帝以閩夷叛亂徙其民於江淮間空其地其時固薦莽狐兔之墟也乃今聲華文物與中州等矣武帝遣唐蒙通夜郎元始拓土然直羈縻

之而已我朝列於郡縣而西洋海國亦皆賓貢蓋氣化漸開則人文漸被若旋風漸拂首西北而終西南焉知滇粵之地不有聲華文物如閩廣之交者乎又焉知八百車里緬甸諸夷不有列郡縣置官吏之日乎

王恕再來天有眼錢能不去地無皮明成化閒能以太監鎮守淫虐民不堪命王恕至能虐斂少挫深不便之乃以金寶廣賂權要遂召恕還故民謠如此

南園錄稱永昌城西北五里俗名大寺山寺廢無孑遺矣明宏治閒掘得石碑甚宏麗因碑陰載常任財貨之繁懼鎮守

者生事輒碎之近復得一小碑文雖不足觀而可證永昌之
為郡在元已盛與金齒迴絕又可見當時財貨殷阜非今日
所及也

楊慎成永昌遍遊諸郡所至攜倡伶以隨蠻酋欲求其詩翰
不可得乃以白綾作襖遺諸妓服之酒後乞詩楊欣然命筆
醉墨淋漓揮滿裙袖酋重價購歸楊後知之更以為快又慎
在滇中有懷歸詩星橋南望沈犀渚雪嶺西連抱洱河關塞
渺茫魂夢隔山川迢遞別離多汀洲春雨拳芳杜茅屋秋風
帶女蘿心事未從簷弄卜生涯聊聽楚童歌後暫歸廬已七

十餘而滇士有讒者撫臣王昺俗戾人也使四指揮以銀鐙
鎖來慎不得已至滇則昺已墨敗然慎遂不能歸病寓禪寺
以沒先永昌張志純為太常卿時與新都楊廷和交善一日
廷和偕弟廷儀暨二三僚友集志純宅分韻賦石榴詩客有
得張字者難之志純子含方七歲在側曰何不用張騫故事
坐客皆驚明日廷和亦攜子慎來慎年與含相若互相辯論
各不能屈遂訂為終身交後含舉鄉薦不仕慎亦謫戍永昌
復與含詩文倡和以垂老焉

流寇孫可望使賀九儀沈巖起恆於江有虎入江負其屍於

岸以爪空土埋之有見之者告其家人比至虎猶守其墳旁
見人始徐徐搖尾去

南詔時有僧王左梨者以功行稱點蒼玉局峯月望夜每聞
天樂南詔謂左梨曰安得致此曰臣能取之至日豫候其地
天樂果至雞鳴時但見羣鶴翔空而下有玉琵琶龍吟箏竹
笛方響之器世人不得其音藏之於庫

昔有人素貧困遇蒼山神授以異術忽生肉翅能飛一日至
南詔宮攝其女入玉局峯爲夫婦凡飲食皆能致之後問女
安否女云太寒耳其人聞河東高僧有七寶袈裟飛取而還

僧覺以法力制之遂溺水中女望不至憂鬱以死其精氣化
爲雲倏起倏落若探望之狀此雲一出洱河中卽有雲應之
颶風旋起舟遇卽覆人戒停泊俗又呼爲無渡雲

明正德閒永昌人於哀牢山掘地得古碑段中庸撰文略曰
夫人諱福則伽宗胄裔之嫡女也事君子也樂其道而不淫
逮下妾也用其能而不妬又曰日出雞鳴照哀牢之古縣鴻
飛滇渚下潯陽之長江餘文俱零落不可識

浚泉亭在獅山之巔明御史劉維所建也亭成欲作賦一篇
以表之夜夢衣百結者來恍惚似婦人告維曰公欲寫賦於

此甚善但此處吾用力甚多公寫賦後幸爲寫金剛經一卷
維覺薰沐寫經楷書古健寺僧奉爲異寶

明太祖方有睿謨尙未發衢童卽謠於道窮究之云有老人
泄其事於童子蓋後湖土地也上怒謫雲南憑於昆明進耳
山寺中人往祈夢奇驗不可殫述比於閩之九鯉

白崖高氏女年十三尙不能言其兄從軍東川三月不歸此
女一日忽語嫂曰兄缺食我往餉之家喜其開口戲應之曰
汝將裹飯去谷女果行家人笑躡其後至盤陀石下入水洞
而去覓之不得衆方驚怪未已谷女忽至謂家人曰兄一旅

之衆皆已飽矣且言軍中地形事勢其嫂不信謂東川距此
二千餘里安得卽至不知其有神力也乃以衣授之曰汝送
與兄取其垢衣來自是送餉日以爲常谷女常牧一白豬一
日謂家人曰軍回矣遂騎白豬化爲象騰空而去

元馮夢弼爲雲南宣慰司令史嘗因公差抵一站日暮站吏
止行問其故閉目搖手不敢言馮怒不從夜行至大溪忽見
一物如屋烏刺赤下馬跣泣若告訴狀呼問何物亦閉目搖
手不敢言馮乃下馬祝之其物轉入溪中腥風臭霧觸人口
鼻比曙抵前站站吏驚曰今夜馬判上岸麻線何以得過問

馬判何物曰螻蝗精也後夢弼官至禮部尙書方言官人曰
麻線站役之牧馬者曰烏刺赤

楊向春謁巡按歐陽重重書一梅字令之占而不言所占何
事春曰梅有兩人字而下有母字公將舉兩子後生者男赤
文疾人也後歲餘歐公復見日子云信然所言赤文疾人隱
語也今可得聞乎曰是兒生以天赦曰當各赦保公服其神
命晰其義曰赦從赤從文疾人卽保字歐公嘆曰其驗乃爾
乎又布政徐樾將征那鑑迎春問之時正署文案見春至置
筆而進之穎脫於管春前揖曰不利公宜勿往樾不應後竟

蒙難如所言

明廬陵郭子章撫黔一日中夜其夫人問子章曰猛廷瑞何
人子章大咤曰爾婦人安知猛廷瑞且中夜問何爲夫人曰
適夢有人妝束如廟中金甲神來謁云我猛廷瑞也比欲見
中丞不得近故來謁夫人耳章曰汝盍問所由來夫人曰吾
固問之渠曰吾爲巡撫陳用賓冤死訴帝得請今歸耳章心
異之不敢語人逾月而用賓被逮之報至

熒夷西南際海通佛代阿育大秦等國大抵皆奉佛漢書揮
國獻幻人自言海西人海西卽大秦揮國西南可通唐地理

志有自南交經雲南永昌入西天竺道路至彼又有阿羅陀
阿羅單國亦其屬宋不通滇乃自廣州浮舶奉表元嘉七年
西南夷阿羅陀國遣使奉表曰伏承聖主信重三寶興立塔
寺周滿國界城郭莊嚴清淨無穢四衢交通廣博平坦臺殿
羅列狀若衆山莊嚴微妙猶如天宮聖王出時四兵具足導
從無數以爲守衛都人士女麗服光飾市廛豐富珍賄無量
王法清整無相侵奪學徒游集三乘競進敷演正法雲布雨
闊四海流通萬國交會長江渺漫清淨深廣有生咸資莫能
消滅陰陽調和災厲不行誰有斯美大宋揚都聖王無倫臨

覆上國有大慈悲子育萬物平等忍辱怨親無二濟之周窮
無所藏積靡不照達如日之明無不受樂猶如淨月宰輔賢
良羣臣貞潔盡忠奉主心無異想伏惟皇帝是我真主臣是
阿羅陀國王名曰堅鎧今敬稽首聖主足下惟願大王知我
此心久矣非適今也山海阻遠無緣自達故遣使表此丹誠
所遣二人一名毘紉一名婆田今到天子足下堅鎧微蔑誰
能知者是故今遣二人表此微心此情既果雖死猶生仰惟
大國藩守曠遠我卽邊方藩守之一上國臣民普蒙慈澤願
垂恩逮等彼僕臣臣國先時人衆殷盛不爲諸國所見陵迫

海東
今轉衰弱鄰國競侵伏願聖王遠垂覆護并市易往反不爲
禁閉若見哀念願時遣還令此諸國不見輕侮亦令大王名
聲普聞扶危救弱正是今日今遣二人是臣同心有所宣啟
誠實可信願勅廣州時遣舶還不令所在有所陵奪願自今
以後賜年年奉使今奉微物願垂哀納

阿羅單國治闍婆洲元嘉七年遣使獻金剛指環赤鸚鵡鳥
天竺國白疊古貝葉波國古貝等物十年阿羅單國王毘沙
跋摩奉表曰常勝天子陛下諸佛世尊常樂安穩三達六通
爲世間道是名如來應供正覺遺形舍利造諸塔像莊嚴國

土如須彌山村邑聚落次第羅布城郭館宇如忉利天宮宮
殿高廣樓閣莊嚴四兵具足能伏怨敵國正豐樂無諸患難
奉承先王王法治化人民良善慶無不利處雪山陰雪水流
注百川洋溢八味清淨周而曲屈順趣大海一切衆生成得
受用於諸國土殊勝第一是名震旦大宋揚都承嗣常勝大
王之業德合天心仁蔭四海聖智周備化無不順雖人是天
護世降生功德寶藏大悲救世爲我尊王常勝天子是故至
誠五體敬禮阿羅單國王毘沙跋摩稽首問訊其後爲子所
篡奪十三年又上表曰大吉天子足下離淫怒癡哀愍羣生

相好具足天龍神等恭敬供養世尊威德身光明照如水中
月如日初生人間自蒙普照十方其白如雪亦如月光清淨
如華顏色照耀威儀殊勝諸天龍神之所恭敬以正法寶梵
行衆生莊嚴國土人民熾盛安穩快樂城閣高峻如乾陀山
衆多勇士守護此城樓閣莊嚴道巷平正著種種衣猶如天
服於一切國爲最殊勝吉楊州城無憂天主愍念羣生安樂
民人律儀清淨慈心深廣正法治化供養三寶名稱遠至一
切竝開民人樂見如月初生譬如梵王世界之主一切人天
恭敬作禮阿羅單跋摩以頂禮足猶如現前以體布地如殿

陛道供養恭敬如奉世尊以頂著地曲躬問詢忝承先業嘉
慶無量忽爲惡子所見施爭奪遂失本國今惟一心歸誠天
子以自存命今遣毘紐問詢大家意欲自往歸誠宣訴復畏
大海風波不達今命得存亦由毘紐此人忠志其恩難報此
是大家國今爲惡子所奪而見驅擯意頗忿惋規欲雪復惟
願大家聽毘紐買諸鎧仗袍襖及馬願爲料理毘紐使得時
還前遣閻邪仙婆羅阿蒙大家厚賜悉惡子奪去啟大家使
知今奉薄獻願垂納受

元嘉十二年閻婆婆達國王師黎波達阿羅跋摩遣使奉

表曰宋國大主大吉天子足下敬禮一切種知安穩天人師
降伏四魔成等正覺轉尊法輪度脫眾生教化已周入於涅槃
舍利流布起無量塔眾寶莊嚴如須彌山經法流布如日照
明無量淨僧猶如列宿國界廣大人民眾多宮殿城郭如
忉利天宮名大宋揚州大國大吉天子安處其中紹繼先聖
王有四海閭浮提內莫不來服悉以茲水普飲一切我雖在
遠亦霑靈潤是以雖隔巨海常遙臣屬願照至誠垂哀納受
若蒙聽許當年遣信若有所需惟命是獻伏願信受不生異
想今遣使王佛大陀婆副使葛抵奉宣微誠稽首敬禮大吉

天子足下陀婆所啟願見信受諸有所請惟願賜聽今奉微
物以表微心

外夷有鷄卜法其法縛雄鷄於神前或向空祝之旋撲殺鷄
取兩股骨洗淨以線束之用竹籤插其中再祝左骨爲儂儂
我也右骨爲人人則所占事或占所指人也兩骨上有細孔
以細竹簽之斜直多少任其自然直而正者多吉反是者凶
其法有十八變按漢武帝令越巫祠鬼用鷄卜知此法相傳
已久後有霑益州烏蠻閉珊居集者精鷄卜法並用細竹四
十九枚代著草占算如神其由來舊矣

方言出之夷獠者實難曉其義如山川村落多用矣字者字打頭村哨謂之喧保甲謂之牛叢曰甸曰賧曰賧皆沿蒙段遺法至水稱海子嶺稱坡子溝曰龍江呼院曰萬呼關曰官松炬曰明子虹曰水椿皆土俗方言也田四畝謂之一雙蓋西域語如卷之末弓也金王庭筠詩寺僧乞與山前地招客先開四十雙滇西近天竺故其方言云爾唐書南詔傳云五畝爲一雙則四十雙爲二百畝犁田每用二牛三人佐之前者挽牛中者扶犁後者服耕種以五月穫以十月市肆嶺南謂之墟齊趙謂之集蜀謂之場滇謂之街子以其

日支名之如辰曰龍街戌曰狗街之類其俗每五日一街村城不同日土司地方皆然

滇人一歲有十二市俗皆以市爲景正月燈市二月花市三月蠶市四月錦市五月扇市六月香市七月七寶市八月桂市九月藥市十月酒市十一月梅市十二月桃符市

夷俗每月戌日則祭祖於家萬物發生於辰而歸寂於戌日出於辰沒於戌理或有之而釋氏則云戌日四獸不守地獄門亡魂得出此邪說也漢人祭祀則近服禮教久矣

元旦清明端午七夕中秋長至除夕風俗與中土相類人家

咸用赤豆作飯昔共工氏有不才子七人死而爲厲性畏赤豆故作羹以祛之其遺意也

滇中用貝今已漸少而近邊夷婦嘗蓄之以爲首飾俗曰肥其用以一枚爲一枚四枚爲一首四首爲一緡亦謂之苗五緡爲一卉卉卽索也一索值銀六釐而市小物可得數十種故夷民便之按金泉刀貝古所通用今惟用貝許氏說文曰古者貨貝而寶龜至周而有泉秦乃廢貝行泉漢書王莽時有大貝小貝之名謂之貨貝貨殖傳曰貝五種大貝牝貝公貝小貝不成貝滇之所用皆小貝不成貝耳秦變法時莊蹻王

滇未必奉行侵尋至南詔段高猶仍用舊俗明時嘗盛行獮夷字大約襲爨字而爲之漢時有納垢酋之後阿呵者爲馬龍州人棄職隱山谷撰爨字字如科斗二年始成字母十千八百四十有奇夷人號爲書祖

元大德元年雲南行省劉正字清卿方正有幹才時有建言征緬者正以爲不可俄俱被放又極言其不可不從師果無功時雲南民多輸金銀近省戶口多詭稱逃亡其甸寨遠者季秋則遣官帶兵往征之凡人馬芻糧往返道里費以萬計所差官皆重賂省臣得之其徵收金銀之數必十加二折閱

之數又如之其送迎饋贐亦如納官之數所遣官齎銀還均
攙雜銅上納正首疏其弊給官秤俾土官身詣輸納其弊始
革觀此則差官至土司徵收滋擾之弊斷不可行也元史諸
王表封緬國王與高麗國王王諶安南國王陳光昞並封緬
之以王自號本自元封之也

俞保山西解州人萬曆初年保戍騰越妻王氏頗知書日將
粒米作信香旦夕禱關帝誦詩曰信香一粒米客路萬重山
一香一點淚流恨入蕭關終歲米積斛許俞保在伍一夜聞
關帝呼曰汝婦虔誠汝欲歸否保伏地乞歸呼令揪馬馳行

獵獵風聲已落平山中天曉乃知爲解州城外抵家扣門王
氏驚疑保道所以方出抱哭隨詣廟謝明日赴州言狀移文
騰越查之保離伍僅一日而伍簿復有關聖免勾四字保軍
遂得免

騰志云順治十八年大兵進緬騰越斗米一兩高山寺下居
民李犁頭者積穀一倉人以價買之不賣將待價之更高也
一日他處皆微雨而獨高山寺下大雨雪久之天晴則山崩
一大石正覆其屋倉廩俱圯穀無一顆存矣界頭民亦有積
穀待價者失其名忽風揚其倉穀隨風飄去數十里顆粒無

存噫積穀防饑可積穀待價乎記此二事可見天道之不遠矣

夷地有猛告去猛密百里通寶井之後其地產大樹葉如車輪夷人取以覆屋

征緬糧運最難入緬之路跬步皆山徑亦錯出將軍明瑞出師用裹帶法每兵給以二月糧變馬爲牛運卽以征兵驅之兵力已疲二月糧盡運道不通皆因運於敵之言誤之也元史董搏霄傳有陸運糧之法每人行十步三十六人可行一里三百六十人可行十里三千六百人可行一百里負米四

斗以夾布囊盛之用印封識人不息肩米不著地排列成行日行五百回計路二十八里輕行十四里重行十四里日可運米二百石每運給米一升可供二萬人施之山徑更便楊林有蘭隱君者名茂字廷秀號止菴明洪武時人少有大志於學無所不曉鄉里稱爲小聖王驥征麓川茂授以方略得成功若耍麓川破船往山上過至今傳爲美談其指杉木籠乎

回回教其設教之祖曰馬哈麻死葬天方地墓頂常有光日夜不熄後人遂遵其教也明史西域志載天方古筠冲地一

名天堂又名默伽其人皆向善俗禁酒有禮拜寺月初生其國上下咸拜天號呼稱揚以爲禮寺分四方每方九十間共三百六十間其堂以五色石砌成四方平頂內用沈香大木爲梁凡五堂有司馬儀墓其國稱爲聖人家土悉寶石圍牆則黃甘玉兩旁有諸祖師傳法之堂其崇奉回教如此馬哈麻墓後有一井水清而甘泛海者必汲以行遇颶風取水灑之卽息又有默德那國回回祖國也地近天方宣德時其酋長遣使偕天方使人貢相傳其初國王莫罕慕德生而神靈盡臣服西域諸國尊爲別諸扶爾譯言天使也國中有經三

十本凡三千六百餘段其書旁行兼篆草楷三體西洋諸國皆用之其教以事天爲主而無像每日西向虔拜每歲齋戒一月沐浴更衣居必易常處隔開皇中其國撒哈入撒阿的幹葛思始傳其教入中國有回回推步法極精迄於今其人遍天下皆守教勿替俗重殺不食豬肉常以白布蒙頭去四方皆不易其俗繁庶之區此教最夥其中讀書入膠庠者自有儒生氣象此外并其立教本意而先亡之竊盜打降半出於中律例特嚴治之有以也滇多教門附記之

滇南多龍潭入夷地更甚佛家有孔雀與龍問答經雖借託

言之然出孔雀地多龍潭亦一証也龍行雨朱子說最好不
是龍口吐出只是龍行時便有雨隨之也唐劉禹錫嘗言有
人在一高山上見山下雷神龍鬼之類行雨此等之類無限
實要見得破龍亦有應龍夷龍之別梁誌公記武帝時震澤
洞庭山南有洞穴有甌越羅子春兄弟上書願入取寶武帝
命志公問之汝家制龍石在否答曰在取至誌公曰此石能
制徵風召雨戎虜之龍不能制海王珠藏之龍昔桐柏真人
教楊羲許謚茅容乘龍各贈制龍石一片今應在帝命求之
於茅山華陽隱居陶宏景得石兩片誌公云是矣據此則徵

風召雨戎虜之龍非海王之龍理固有之

杜氏通典西南夷紅珠卽寶井之石也永昌張愈光有詩云
勞生害馬貢紅珠暗脛明投獻紫樞若得秦元憐赤子速移
寶井到神都亦猶楊升菴也李禮名鳳岡騰衝衛參江南人
張愈光作江南曲贈之其詞云江草年年綠王孫不得歸龍
江青草長江上雨霏霏江雨霏霏江燕語桃花萬片柳千縷
折柳攀花魂欲消故國山川渺何許山川萬里真渺茫彭蠡
洞庭湖水長湖中年年芳草綠浴波對對紫鴛鴦鴛鴦自是
湖中鳥雙棲疊浪湖山小日日雙雙不肯飛王孫莫恨春光

老春宵歸夢繞春城城內池塘綠草生夢回好謁蒼龍闕光
耀無論二鳥榮有初唐風味

蠻烟瘴雨自昔稱之諸葛武侯表但云五月渡瀘深入不毛
並不言瘴大抵不毛之地山澤之氣不通夏秋積雨敗葉枯
枝塵積而毒蟲出沒水際飲之輒痛脹又雨後烈日當空蒸
氣鬱勃間有結爲五色形者觸之多病楊慎所謂交頭瘴九
十月間潞江乾溝一帶露下於草草交相結此其證也霜降
前後日田穀方割稻管冒烟謂之穀槎瘴最利害騰越分水
嶺入西南卽盛夏亦清涼入東北至潞江卽嚴冬亦炎熱過

州城入土境黃菓樹塘下卽漸漸鬱蒸南干盞隴卯五土司
境無地無瘴惟戶撒腊撒氣候和平每隔一山一嶺卽日裘
葛可更周髀經所謂南極左右冬有長青之草天生此種地
方如此

宋蘇子瞻嘗於涪井監得西南夷人所買蠻布弓衣其紋織
成梅聖俞春雪詩云朔風三日晴吹沙蛟龍捲起噴成花花
飛萬里奪曉月白石爛堆愁女媧天明廣庭踏朝賀雉尾不
掃粘官鞞宮中才子承聖顏捧觴稱壽呼南山三公免責百
姓喜斗酒十千誰復怪子瞻以歐陽永叔尤知聖俞者因以

遺之歐公家舊畜琴一張乃寶曆三年雷會所斷其聲清越如擊金石以此布爲琴囊二物歐公謂真余家世寶云
邊地草木亦有異者斷腸草處處有之驟馬食之立斃其草實蟲而形似草又有相思草一名合歡草又名低頭草見婦女至其草卽低頭取以饋夫夫輒爲婦所制又分水嶺有一把傘草竹芭鋪有鍋產草以象形名之一把傘雖枯置之滾水熱酒中輒泛青色亭亭而立真不可解也

火把節卽星回節六月二十五日農民持炬照耀田間以祈年通省皆然其說有三一武侯征南於是日擒孟獲侵夜入

城城中父老設庭燎以迎之一曼阿奴之妻阿南時阿奴爲漢將郭某所殺欲妻之阿南恐逼已給之曰妾欲從君君能從我三事乎曰從曰一須作幕次焚故夫二須焚故夫衣三須令國人偏知禮嫁明日如其言聚國人張幕置火其下阿南抽刀出令火熾盛乃焚夫衣告曰妾忍以身事仇乎身躍火中以刀自斷時六月二十五日也國人哀之歲以是日焚炬聚會以弔之一鄧賧詔慈善開元中南詔於星回節召五詔燕會慈善逆知其謀止夫無往夫不可乃作鐵劍約其臂而去旣而南詔果焚五詔佯以醉失火焚死各詔骸骨無

從辨認獨慈善輿尸而去南詔聞其誓欲娶之慈善閉城自
固發兵圍之三月食盡乃盛衣裝西向自縛於座竟以餓死
臨卒曰吾往訴夫冤於上帝南詔聞之悔曰悞逼此貞節婦
乃旌其城曰德源城三說均有所本今則農人卜豐年相率
爲歡宴而已

魯梅魯家之梅也在騰越城中其梅甚古傳爲千餘年物李
節相曾圖其形上之內府金松金氏庭中松也在南門外其
松盤折空際正覆庭心古幹虬枝數百年物也好事者以配
魯梅贈太僕卿趙損之從軍金川有札來云魯梅金松時入

氈裘夢寐間其爲文人之所賞鑑不忘如此損之卽文哲
滇之銀或鑿斲于山縱斧于石或泗水而入龍蛇之宮或斷
足而走嵐瘴之鄉冒虎狼之險貿而得之皆長物也滇人無
所用之五方良賈賤入而貴出利之歸本土者十不一焉銅
以供天下貿易近爲園法之府而本地又自以兼金易紫貝
其價日益月增欲滇人無貧不可得也又其半則四方行腳
方士釋子募緣者取給焉曰宇內一切出世佛皆由滇出欲
滇人無好佛好玄不可得也

古者女子出門必擁蔽其面后世宮人騎馬多著羃羅全身

障之猶是古意又首有圍帽謂之席帽垂絲繼之飾以珠翠至煬帝去席帽戴阜羅巾幘而以席帽油御雨云唐永徽中皆用帷帽施裙到頸漸爲淺露開元初宮人著胡帽靚妝露面古制盡矣今山西蒲州婦人出以錦帕覆面至老不去雲南省城亦然大理婦女凡出必持傘亦古意之遺也

隋書志云江南之地多蠱以五月五日聚百種蟲大者至蛇小者至蝨合置器中令自相啖食因入人腹內食其五臟死則其產移蠱主之家若盈月不殺人則畜者自踵其害累世相傳不絕自侯景之亂殺戮殆盡蠱家多絕旣無主人故飛

遊道路之中則殞焉今此俗移于滇粵每遇炎夜則蠱飛出飲水其光如星鮑昭詩所謂吹蠱痛行暉也予親見之然蠱毒在上則服升麻吐之在腹則服鬱金下之或合升麻鬱金服之不吐則下宋李巽巖侍郎燾爲雷州推官鞠獄得此方活人甚多見范石湖集

邱文莊公曰自漢南越入中國始有南海然西海竟不知所在今祀東海于登州祀南海于廣州皆臨海而祭西海則望祀于蒲州北海則望祀于懷慶蓋因宋都汴而懷慶在其北是時失幽燕元因至遼薊之間而北望以祭之可也國朝都

燕而乃往南以祭北海可乎古謂青州爲北海郡今京師東北乃古碣石滄海之處于此立廟爲宜滇之極西聞有大海通西南島夷卽西海也宜于雲南城望祀之按王莽立西海郡于西甯之地亦妄也今滇西有大海在阿瓦地沐璘爲都督曾至其處有詩云蛇首樓船十丈長船頭鏡鼓樂笙簧篙師百櫓齊搖去阿瓦城邊水似湯卽西海無疑矣按王充論衡云漢得西王母石室因立西海郡而漢書不載其事今其地沒于匈奴矣

滇南地列坤隅得土沖氣省會之區地勢開陽四時協序氣候尤和環拱之激武楚姚諸郡無祁寒溽暑大略相同兩地迢遙每各殊寒熱北鄙風高故麗江大寒有長年不消之雪南維地下故元江大熱有一歲兩穫之禾普洱鎮沅時有炎蒸瘴癘鶴慶永北亦多飛雪嚴霜要之寒不至有墮指裂膚之慘熱不至比鑠石流金之酷也至迤東之曲靖東川昭通較省會爲寒開化臨安廣南廣西較省會爲熱迤西之順甯蒙化景東則微熱大理永昌則微寒雖有不同非甚懸絕諺云四時多似夏一雨便成冬可因是知其槩云

夏書任土作貢梁州紀銀鏤不載鹽絺草昧初開固多遺利

滇居梁州之南鄙井產鹽山產五金雖舟楫不通牽車服賈者往往叩關而至於定爲經制以佐邦用豈非因天地自然之數而整齊利導之者歟夫山高箐深土田瘠薄而煮瀹鎔金關市之課且溢於田賦蓋水土金穀互有盈虛利用厚生交相資藉造物人事理有固然今

聖皇御宇體信達順以感天和比年以來醴泉出而瑞穀生地不受寶人不愛情誠大順之休徵也宣奉 德意者視物產之滋息察羣情之趨向而善爲酌劑變通以宜民裕用斯美利溥於無窮矣

稗史云宋乾德中牂牁入貢詔見詢問地理風俗令作本國歌舞一人吹瓢笙名曰水曲卽今蘆笙也井菴在大理見之嘗作蘆笙吟五解其詞云蘆笙吟蘆笙吟可憐一寸匏能括四海音蘆笙吟蘆笙吟可憐一節蘆能通四海心昔我聞蘆笙乃在盤江河河邊跳月歌令人元鬢皤今我聞蘆笙乃在開南橋短歌和長謠從夕至侵朝悲亦不在聲歡亦不在聲昔聲與今聲不是兩蘆笙

十八寨在巴盤間爲盜藪明正德庚辰巡撫何孟春集兵剿之有白蟒自寨中飛出又有怪石賊每聞兵至則祭以徼福

茲祭之忽作聲賊知其必殪相率號哭已而羣醜就戮孟春
賦詩紀之詩云石不受祭蟒猶知退爾賊爾獾如何無畏石
祭聲悲蟒飛避威爾賊爾獾如何無思獾維賊首爲惡滋久
妄大自驕維固是負賊本裸雛亦廣有徒寨以爲居碣以爲
逋嗚呼爾獾毒同於蟒嗚呼爾賊頑匪石狀彼蟒改圖吾無
難誅此石路隅今常儼如爾衆其伏天地維育爾賊其縮昆
蟲何蹴而弗事菑畚而弗供征輸而專意劫刳而竟違招禍
以干吾戈鈇嗚呼爾寨可終居乎而碣可終逋乎又云石有
聲賊當滅白蟒去黑獾磔庚辰秋半兆先決壯士當場氣何

烈巡按御史親持節旣得虎子塞虎穴江流改盤山失嶼正
德十五年十月磨崖碑爲誰設此石嗚聲得昭雪都堂此時
刻石勒垂誓將來柱毋折黑獾宗子頭已截獾黨再來獾種
絕

楊升菴丹鉛錄曰元天目山釋明本有九字梅花詩滇南唐
錡以爲不佳屬予作一首乃口占云元冬小春十月微陽回
綠萼梅蕊早傍南枝開折贈未寄陸凱隴頭去相思忽到盧
仝窗下來歌殘水調沈珠明月浦舞破山香碎玉臨風臺錯
恨高樓三弄叫雲笛無奈二十四番花信催又詩話云余嘗

登眺山寺見雨霽虹蜺下飲澗水日射其旁如盼睐得句云
渴虹下飲玉池水斜日橫分蒼嶺霞自謂切景張愈光云斜
字猶未稱渴字後一年偶閱莊子日中方睨衍義云日斜如
人睨目遂改作睨日對渴虹字始稱愈光日渴虹睨日古今
奇句也又漁家傲詞自序云宋歐陽六一作十二月鼓子詞
卽今之漁家傲也元歐陽圭齋亦擬爲之專詠燕京風物予
流居滇雲廿載遂以滇之土俗擬兩歐爲十二闕雖藻麗不
足儷前賢亦紀并州故鄉之懷耳其調有云四月滇南春池
遲入節常如三月裏共傾浴佛金盆水五月滇南風景別清

涼國裏無煩熱雙鶴橋邊人賣雪六月滇南波漾渚東寺雲
生西寺雨水椿斷處餘霞補松炬熒熒宵作午蘭舟桂楫喧
簫鼓又云八月滇南秋可愛紅芳碧樹花仍在又云十二月
滇南娛歲宴家家玉餌雕盤薦皆實錄也滇人謂虹爲水椿
歲暮蒸白粲搗爲丸以雕盤盛之薦於祖禰

升菴久戍滇中婦黃氏寄一律云鴈飛曾不到衡湘錦字何
由寄永昌三春花柳妾薄命六詔風烟君斷腸日歸日歸愁
歲暮其雨其雨怨朝陽相憐空有刀環約何日金雞下夜郎
又一絕云嬾把音書寄日邊別離經歲又經年郎君自是無

歸計何處青山不杜鵑又黃鶯兒一詞積雨釀春寒見繁花
樹樹殘泥塗滿眼登臨倦江流幾灣雲山幾盤天涯極目空
腸斷寄書難無情征鴈飛不到滇南升菴別和三詞俱不能
勝并載於此其一云夜雨滴空階傍愁人枕畔來鄉心一片
無聊賴淚眸懶揩狂歌懶裁沈郎多病寬腰帶望琴臺迢迢
天外懷抱幾時開其二云霽雨帶殘虹映斜陽一抹紅樓頭
畫角收三弄東林晚鐘南天晚鴻黃昏新月弦初控望長空
披襟誰共萬里楚臺風其三云絲雨濕流光愛青苔繡粉牆
鴛鴦浦外清波漲新篁送涼幽芳弄香雲廊水榭堪遊賞倒

金觴形骸放浪到處是家鄉

鄧漢新城人明萬曆中巡按雲南詩云地控雙關金碧雲開
兩迤東西盈尺海波瀾瀾四時草色淒淒峯頭半起雲彩江
曲初生月牙荻岸蘆洲相向碧雞山下人家細雨斜拖白練
春風自剪紅羅感此驚心濺淚故園歸去如何沙木和邊月
白花橋關下雞鳴風遞一聲畫曉星殘幾點松明又有日出
高原烟水雷鳴初澍田疇注云滇俗瀦水處皆稱海子呼雲
爲雲彩初生月日月牙畫角爲畫曉松炬爲松明高田爲雷
鳴田謂雷鳴雨沛始得種也拖白練鳥名剪紅羅花名沙木

和花橋關俱地名

徐楚純安人爲辰州太守甲寅疫癘大作公亦昏憤恍惚覺身著金緋坐殿上兩楹間幡幢飄搖署曰威靈几前大鼎爇香黃冠在前問曰此何地我何在此對曰此城隍廟也郡人請公生爲之公怒曰誰爲此議我肯向汝作土偶耶道士忽不見幡幢殿宇一時都沒翌日士民苦旱祈雨執牒請公署名公曰有如夢我當應禱纔出署大雨如注三日夜不絕疫癘頓蘇先是公以內艱歸過山東間有高孝廉爭舟怒罵復舉大石擲公幾中額且曰異日見我廷謁毋悔乎公笑而謝

之後至辰州高乃補沅陵令辰之附郭邑也大爲踴踏高頓顙愧泣公怡然答曰乃公吞雲夢者八九願勿復言爲雲南副使周龐者廣西人有所親人周岐岳選蒙化衛經歷死矣龐謂其子曰滇廣萬里誰知而父死者以文憑假我我之官所得與而共之龐竟赴蒙化恣意貪墨居一年而岐岳家有七人來龐恐事泄飲之酒夜盡撲殺之燔其屍有宋經歷者故識岐岳密以告公公佯檄龐往事鄰縣而擒其妻子訊卽服捕龐置極典滇人稱爲神明子應簧己丑進士參政賀朝用綿竹人少遇異人授神術百不失一然深祕之一假

海真
於相有官將赴滇別其署事州判溫君而栗溫請曰先生遠
行何以教我應曰祝公萬福但三日後州前有小變當流血
溫大駭徐曰勿憂非州事也越三日番人節拐爭於州前果
割刃焉幕景東時滇南大旱巡撫見吾陳公甚憂召之相君
曰須董太守至乃可言之陳曰吾爲一省主顧不如郡守耶
對曰不然方今旱災惟雲南一府公之所轄廣矣何可占陳
然之促太守至熟視之曰喜可賀矣本月二十一日戌時雲
當合有微雨三更雷大鳴黎明雨如注非三寸不止至期言
無一不酬陳大奇之以書薦於劉巡按劉見之曰吾雅不好

星相無已姑視我子察之曰甚佳名列賢書第幾已而果然
其術多如此後以任事爲人所嫉構下獄歎曰數也遂自引
決先謂妻曰子亦不免歿後妻亦從之

陸綸字理之號南洋歸安人爲雲南太守一日之野有鸚鵡
向前哀鳴忽墮地則赫然死人也就而視之已復爲鸚鵡呼
老嫗問故家先殺人瘞屍鸚鵡籠下掘之如生亟召其子孫
畀以殺人者四境頌若神明

陳琰字公信江都人貢生嘗按雲南每出入則凝顧院東民
家煙樓人莫知其故一日召其家長閉諸後堂復遣人詣其

家文書匣檢閱有江西販客路引乃呼家長出訊曰汝于竈所謀害江西客人某因取其貨汝罪當死卽伏辜蓋屍瘞竈下出入見煙樓中若有人手招以訴者衆驚以爲神後轉陝西布政

嘉靖末年滇有都御史某請行戰象之法于北邊錢塘陳敬亭善時爲右轄極言象產炎微不耐西北苦寒事得寢陳居滇久昆明之傍曰傍山山陽有田五千頃地高苦旱陳視白石崖有泉在上游可引漑而爲橫山所隔議鑿山通渠衆咸難之陳力任矢衆禱天久之未就衆嫉之陳引去行有日矣

橫山水洞忽報開通咸驚爲神助云感之立祠至今享有永利屢薦未能用在家優游二十年令終輿論崇重與松江莫中江如忠金昌袁裕春洪愈竝稱云

近來士夫稱善遊者莫如臨海王公士性公字恆叔萬厯甲戌進士五岳俱徧皆有記瑰麗可誦性旣好遊而天又助之宦跡半天下雲貴廣西四川皆徧此四省非五岳所麗而山水尤奇不親履不知不宦遊亦不能履也公以行人給事中至藩臬後老煉丹家貧蓋敬所先生之姪也

滇人馬騰海名雲龍以子文卿貴封御史嘗曰枯體變爲榮

體榮體卽是枯體縷體變爲絲體絲體故是縷體有味哉
孫世芳華容人以職方郎出督雲南學政爲寬科條凡試士
旣命題度不盡記者示以所由曰稟質由人撰詞由質苟不
及此卽宿構何爲御史某欲合試諸應舉者持之曰非制約
士以八月五日始集會城御史卒不得試其僚由左布政遷
爲都御史撫滇遷之日勅諸司不得乘輿傳呼公曰制內三
品始得輿外三司輿非制也然都御史爲布政時業已先之
且都御史輿四人耳今用八而以禁人不輿是五十步笑百
步走也其人爲斂容謝

元夕家家然燈亦有魚龍走馬及鼇山諸戲然皆染紙爲之
無他奇巧市上結綵爲架作松棚如小屋然懸燈其中遊人
歌舞達旦然僅自十三至十五而止至於花礮煙火之屬皆
遠不逮他處鄧漢榆城元夕曲八首明月憐三五金波湛湛
盈繁燈如列宿自古葉榆城又聞道龜茲樂先朝老笛工今
聽上元曲猶有大唐風又可憐日東國也學漢西京高棚跨
廣路火樹兩邊生又阿育三千塔當年尙建燈青蓮紛吐炬
呪鉢訝神僧又豔唱銀花合香浮金屈卮遊人迤邐處燈火
武侯祠又殘燈風影亂明月露華溥迴照蒼山雪千門生夜

寒又獨向繁華候偏深喪亂情幾家南北巷歌哭其天明又
罷戲鼇山側初窺劫火中苴畔今夜月還與故園同

二月八日各郡有迎佛之會多於寺中昇遊城市長幼雲集

聚觀或焚香膜拜翌日送歸句町諸邑以是日祈求豐稔各

社裝演往事走馬戴竿若迎春然三日乃止鶴慶城中立化
寺有樟木佛一

座相傳唐時所造土人神之遠近昇拜無虛日
林俊爲巡道碎而火之始絕人稱爲林劈佛

大理有觀音市設於點蒼山下閱武場中以三月十五日集

二十日散至期則天下之商賈皆來貿易若長安燈市然官

恐其喧爭爲亂調衛卒以守護之昉于唐永徽間相傳觀音

大士以是日入大理後人如其期焚香頂禮四方聞風各以
貨來至今不改

七月二十三日西洱河濱有賽龍神之會至日則百里之中

大小遊艇咸集禱於洱海神祠燈燭星列椒蘭霧橫尸祝既

畢容與波間郡人無貴賤貧富老幼男女傾都出遊載酒肴

笙歌揚帆競渡不得舟者列坐水次藉草酣歌而酒脯瓜果

之肆沿隄布列互十餘里禁鼓發後踉蹌爭驅而歸遺簪墮

烏香塵如霧大類京師高粱橋風景

飲食惟公宴禮會者與中土同其民間所造多糅雜而成縷

切餅餌而暴之其亂如蓬曰蓬餌磨苧莢而況之曰鬼藥熟糯粉和苧爲泥而膏沃之綴以米糝曰餈枝濃煎乳酪而揭之曰乳線燥糯及山藥圓而燥之如荔曰粉荔至於魚肉牲畜羸蚌之屬率生斫縷絲和諸椒桂而噉之其名曰胜蓋古人斫膾之遺法今閩廣亦間爲之但滇以爲常食耳

民間房屋不過丈許必用厚瓦而固以灰土官署亦然風高故也大理風多尤甚自八九月至二三月無晝夜狂吼掀瓦拔木人馬辟易婦女市行者以十二幅布爲裙多其篋積以禦風云但風高而不寒亦無塵沙至金沙江濱則陰霾漲天

如燕齊道上矣

滇中氣候常煖如閩廣至永昌以西熱稍甚嵐瘴騰空觸人鼻如花氣騰越以西至於南甸里有鹽池田漁之饒金銀畜產之富人俗豪汰自漢已然史謂巴蜀商賈竊出取其柁馬犛僮髦牛以致殷富自唐以來日尋干戈至明一以漢法繩之貢賦煩重貧瘠之色可掬矣然田無旱潦米不轉輸山澤之利取之無禁民至老死不相往來他方樂土未必勝此大理北控吐蕃西威驃國東有若水南扼昆彌一大都會也其富人嫁娶送死以奢靡相高歲時餽問無虛月稱貸權子

母而不好買賣人皆他方來貿易繒綵以致厚蓄故水土之利皆歸客商世傳蒼洱之間在天竺爲妙香國觀音大士數居其地唐永徽四年大士再至教人捐佩刀讀儒書講明忠孝五常之性故其老人皆手念珠家無貧富皆有佛堂一歲之中齋戒居半民輸賦如競市不待催科百年以來民以飲博廢業田多逋賦胥役怙權鴟張魚肉小民其一變也網亦少疎云

臨安之繁華富庶甲於滇中諺曰金臨安銀大理言其饒也其地有高山大川草木魚鱉之產不可殫窮又有銅錫諸礦

展轉四方商賈輻輳其民習尚奢靡好宴會酒肴筐篚殆無

虛日

鶴慶之俗婦帽三尖以布爲之知府周贊至諭令易以簪髻遠近化之民間歌曰我周公變夷風易簪髻去布幪臨安婦女舊戴卓笠坐市交易近亦稍更矣

永昌騰越之間沃野千里控制緬甸亦一大都會也山高水深饒竹木鹿豕魚蝦之利其人儇巧善製作金銀銅鐵象牙寶石料絲什器布罽之屬皆精好甲他處加以諸夷所產虎魄水精碧玉古喇錦西洋布及阿魏鴉片諸藥物輻輳轉販

不脛而走四方故其尚漸趨華飾飲食宴樂諺謂永昌一日費百石米釀亭午以後途皆醉人此其傲也

漢永昌太守劉安世鑄黃金為蛇以獻梁冀益州刺史种暲糾發其姦不果獻冀恨暲因以他事陷之李固上疏伸理太后赦暲免官行永昌以金蛇輸官冀從大司農杜喬借觀不與由是見忤竟以他事誣喬而殺之

魏明帝時昆明國貢嗽金鳥常吐金屑如粟此鳥畏寒乃處以辟寒臺宮人爭以鳥吐之金用飾釵佩謂之辟寒金故宮人相嘲曰不服辟寒金那得聖人心

南詔神武王有女欲為擇配女曰父王擇配非天婚也我欲倒坐牛背任牛所之不問貧富貴賤牛入之家則嫁之王從其請牛至一委巷左右側其角而入其家老嫗走避強之乃出問有子否曰子往樵薪女即拜嫗為姑頃之其子負薪回見巷有騶從走避女招之入曰此吾婿也令報王王大怒遂絕其女一日婿問女首飾是何物曰金也婿曰吾樵處此物甚多明日載回皆金磚也頃之上怒解女請讌王王難之曰汝能作金橋銀路吾當來果作以宴王王歎曰信天婚也後人名其地曰轆角莊言方牛入時角如轆轤轉入陋巷也

南詔時威楚西五十里許有五樓山有王載立張明亨者栖
焉志在求仙日載酒峯巔長嘯狂唼時人莫之識也一夕飲
酣見一道人乘風而至飄飄然華彩迥異二子迎之曰或者
先生能劇飲耶先生莞爾而笑問姓名則曰無心昌道人遂
促膝傾觴醕醑醉臥先生忽言別二子戀戀不能捨先生曰
來年秋風起塞上吾當再至及期二子同登塞上目極欲狂
口占云去年霜草斷人魂滿江秋水白紛紛猶記別離亭畔
約西風塞上未逢君吟罷清風徐來彩雲飛舞遙望則昌先
生至矣手執一瓢盛米汁其中命二子飲之王飲張不飲先

生覆之三人語歡甚時萬里澄空碧天清籟先生曰將得五
樓明皎月換來一頃玻璃風復題壁間云帶劍飄然負不羣
幾同揮袖拂紅塵不圖紫綬朝金闕愛青山鎖白雲踽踽
一身空蓋世茫茫四海覓知音與君不負當年約一榻清風
到五城唵罷出戶二子隨之先生曰仰首二子仰見祥雲繚
繞瑞氣彌漫先生曰時當行矣騰空而起王子亦隨起張子
踴躍無措伏地大呼先生回顧曰子仙骨已成遲一劫耳張
子遂化鄉人瘞之塚上流光掘視如水晶石然是夜夢曰吾
功行尚缺當以骨救瘡疾試之果效後人思其勝事乃窺測

之昌無心是呂其呂祖乎遂指閣關灘名呂閣後爲元兵所
焚改閣爲合爲有合襟水也遷驛署居其間

劍川崔君廟神姓崔名子玉祁州人正直不撓仕唐爲長子
令再遷衛州皆爲民除害民德之時顯夢異立祠於州南三
里相傳崔君昔于五月五日諭人曰是月十六日毋得殺生
及漁獵犯之必遭官刑陰譴時有朱竇二人獵一兔爲門吏
所獲將執之官求免是夜一黃衣吏喚二人至公庭見神王
者冕服正二人罪一減其半一縮其祿叱退後果如所夢
成化庚子五月內雲南麗江軍民府巨津州白雲山約長四

百餘丈距金沙江計二里許一日忽然山裂中分其一半走
移于金沙江中與兩岸雪山相倚山上木石依然不動江水
壅塞逆流淹沒田苗蕩析民居州具甲上司鎮守太監等官
以聞諸朝雲南屢有邊報此山之兆

鎮守金騰劉太監玉任一尙京官言無不從橫暴特異騰越
強姦婦女不可計騰人至千百告於御史訊之不言撈之乃
曰京中某寺僧也寺與玉鄰玉時借其銀後因幹鎮守盡以
所畜假之玉無償因言金寶婦女之多誘之養髮還俗名之
曰尙京官也幼出家承師之資足以自養因誤於玉遂至此

海粟
官乃答而捨之

昆明梁王墓甚多皆王子也相傳嘉靖間板橋之北一村民每夜見墓有光疑爲寶藏糾力盜開空無物惟破匣中劍一而已民取歸家中夜光大起燭天四隣謂火發趨問之至則寂然民疑劍爲怪恐伐塚事露乃裹劍潛投山坎遂成巨潭其洞深廣杳冥探之隱隱有聲人不敢入蓋龍劍所爲也雲南傅巡撫習桂少保萼同鄉也在滇時令一僕以金銀二確通於桂標題曰黃雀銀魚桂受而語僕曰語爾主此處來不得南京去罷踰月遂擢南京大理寺卿行至鎮遠而亡土

有紀以一絕曰黃雀銀魚各一瞿長安陌上肆公行若教冢宰持公道安得南京大理卿

唐南詔永貞間有鷄足僧小沈者與二僧同住一庵小沈入城乞食詔問識何法門小沈答云我能使死者生極樂世界詔令國中但有死者請小沈起棺如此十餘年有讒於詔曰小沈妄人也云能超度死魂何所證驗臣願入棺試之詔如言請小沈起棺將至化骨之所啟棺視之誠死矣懇小沈求生沈又作法遂甦死者悔曰我已生在七寶宮殿中如何復來此小沈偶還舊庵見二僧問食二僧曰汝從城中來乃不

裏糧却至此欲食耶小沈遂走叩迦葉石門門訇然中開二僧追呼至則石門閉矣二僧悔恨焚身門外焚處生柏二株或謂小沈迦葉化跡

唐時楊都師創洱河東羅筌寺寺前有田四十畝每栽秧約三日傭者戲師曰若能繫日當爲畢栽師默念呪田栽旣而日乃瞑傭歸而後知已歷三晝矣山下有黑龍常作風浪覆舟師以白犬吠之龍怒而出師視龍猶蜒蚓若教誨之有頃龍馴俛而去先是河浪九疊師以念珠鞭之去其三疊河乃翁順可舟

無言和尚姓李氏紹祖父精密教法嘗持一鐵鉢入定呪誦欲晴則鉢內火光燭天欲雨則鉢內白氣上升遂雨蒙氏封爲灌頂國師嘗於崇聖寺講經有老翁立聽畢乘風雲而去衆驚問之曰洱水龍也

五代趙善政時浪穹縣天馬山下有山狀如龜蛇卽善政所居其山左澗有水右澗無水有樵青神者善呪法衆樵謂之曰若能分水於右澗乎青神曰不難耳遂以斧柯觸山右澗水卽湧出與左澗均人居左右者咸利之沒後爲神附祀於善政之廟焉

宋甯宗嘉定十七年甲申元太祖南征東印度至鐵橋石門
關前軍報曰有一角獸形如鹿而馬尾其色綠作人言曰汝
主宜早還帝以問耶律楚材對曰此獸名角端能言四方語
好生惡殺此天降符以告陛下陛下天之元子天下之人皆
陛下之子願承天心以全民命即日班師

大德間昆明池有蛟化美少年淫婦女居民苦之有趙伽羅
世精阿叱力教尤通梵經鄉父老禮請治之伽羅卽遣黑貌
胡奴擒至以水噀之蛟立見形因斬之怪絕人問胡奴爲誰
曰此大黑天神也後不知所往

僧志登者永昌人姓馬氏有戒行結庵於龍泉門外入三五
里而居之忽一日謂其徒曰炊十三人飯備碗筋及羹皆如
其數中夜以俟至夜有盜入果十三人志登坐牀不動曰昨
已知汝輩來矣盜入視其所備皆如其人遂羅拜而去

太監錢能女真人兄弟四人俱有寵成化間能號三錢來鎮
雲南其怙寵驕蹇貪淫侈虐古所未有不能悉記有二事最
可資咲語者雲南有一富翁病癩其子頗孝則執其子曰汝
父癩傳於軍士不便且又老矣今將沈于滇池其子出厚資
乃免又王姓者業賣檳榔致富人呼爲檳榔王家則執其人

江表
曰汝庶民也敢惑眾僭號二字王復出所有方免後繼之者
雖貪求無厭聞斯事未嘗不爲發咲也能後守備南京宏治
末老死京師不識天道何在或言其幼畜錢甯于滇晚俾專
鎖鑰能病甯利其所有遂進毒于能而死甯初名福甯兒者
是也本李巡檢之家生子然則能之報亦不爲無也

宏治中內官吉慶守金齒路選京師惡少從行括民無遺錙
銖勢若擄掠貨多寶石慶盡擇美者積以隨籍局一室晝夜
守之羣從窺利罔獲日謀所以死慶會病渴各約禁水弗與
醫來私賂之進金石藥慶燥極呼親信出櫝中貨易水活命

得石者復馳去不顧慶突地而號髮焦膚裂死從者密其喪
各載貨逃去屍蛆逾月官司方爲瘞於途

蒙化范寅爲諸生屢試不第遂成心疾出遊不知所之嘗語
其子師顏云吾葫蘆山人也爾他日於此訪我師顏以嘉靖
壬子舉於鄉次日卽裹糧尋父僻壤遐陬無弗到行三年至
蜀有葫蘆寺扣主僧謂三年前有稱葫蘆山人者寓此今死
矣瘞之近岡且出其手札真寅筆也師顏慟絕芟莽得穴刺
血入骸斂而返葬焉御史黃中疏而旌之又有趙重華太和
縣人父廷瑞亦以不第遠遊莫知所往華甫七歲至年二十

一母沒乃出尋父榜其背曰萬里尋親至武當見寺壁有字
云嘉靖四十年十二月二十二日大理趙廷瑞至此華至日
乃萬曆六年十二月二十二日也又間關至建康祈於三茅
君夢神謂之曰爾父故在如是者三至毘陵遇老僧示往無
錫南禪寺語訖不見明日至南禪見鬢髮老叟曝背廊下華
心疑之伏地曰我雲南人有父出遊尋覓不見叟曰我亦滇
人出遊時一子七歲潛然淚下各通名姓相持而哭迎歸故
鄉吳興茅坤爲文以記之

楚雄城西鳴鳳山腹有盤石高五尺餘闊倍之其裂隙處僅

可容指而內稍闊不可度有物如蝦蟆而差小形絢五色隱
見不常蓋數百年物也過者每以銀及貝呼而投之或視或
舍然罕得遇相值者輒有吉應焉

安南之役平州知州何忠

荊州人
御史謫

諒江府知府劉子輔

江西
廬陵

人按察
使左遷

皆不屈遇害鎮南州人王用之任慈廉州知州亦執

節不屈被殺詔同何忠等諡贈恤後

芒部夷作亂筠琪諸夷皆起從之時巡撫招撫諸夷弗聽惟
曰復趙縣尹來當卽降趙縣尹敘州府高縣令趙彥也彥雲
南趙州人宣德壬子舉人爲縣仁恕公廉百廢具舉正統十

年郡守妬之削籍還鄉至是縣人思之故爲此言於是巡撫
辟彥彥至單騎赴敵諸夷納款凱還奏功詔復彥職尋卒于
官

鶴慶人趙和正統間任貴州銅仁學以師道自重丁內艱服
闋改四川建始縣銅仁上疏巧之許還舊任頃丁外艱服闋
銅仁又上疏巧之凡三仕銅仁士類多賴以成就監司皆稱
爲趙先生而不名

後致仕歸遮道泣送者擁于路
其子子信魁鄉舉南陽同知

郭本以御史謫永平縣主簿剛直廉介鋤強抑惡凶人斂跡
開拓縣治撫綏流夷境內稱治嘗謂永平小邑不宜冗員後

召還京師特疏請裁省主簿至今德之

成化十八年壬寅臨安兵備何純卒于官初臨安城外多盜賊

白日劫殺無所忌純至始立堡寨并嚴捕捉之法盜方斂迹
又修學校聚生徒暇日親爲講解經義改竄文字臨安至今
誦之何江西新淦人以御史升任

宏治十年丁廣西府師宗州阿定鄉有山高可五丈許根盤
二十餘丈一夕移二十餘里止于馬者籠山在師宗州東二
百四十里極高
大山傍有樹皆不動其舊處遂爲平地

澂江府通判晁必登字汝吉四川宜賓人也由進士左遷時

府守以墨著又嚴酷人情洵洵公佐以廉靖一介不苟屬邑之民充板橋江川驛艱于應多破產逃亡公爲達白當道徵銀解驛迄今民安政暇與諸生講易闡明奧旨尤長于詩諸留題贈炙人口攝篆廣西曲靖尋遷武定同知皆有遺愛人留像祀之後升本省僉事按部至澂衢市羅拜歷升雲南右布政每于澂人加愛云

宏治十七年甲子以兵部郎中吳晟爲大理知府晟弋陽人平

正寬大不用笞箠人莫忍欺一日雨行有輿夫忽蹶幾傷公面公自喚食匿手取糕飼之曰汝飢耶聽訟獨斷吏不得爲

奸出必泥以關鑰民莫得見吏暇時取籌召諸生卽至稽其本業亡敢有羣嬉遊者後遷參政去士民遮道泣下有去思

碑

正德元年丙寅北勝州出神童張宗楚時湖廣有周良臣亦以

神童稱聞之不遠三千里來滇訪之周寓北勝多有題咏

浪穹滑書張奉積年熟知境內田賦戶口術能使連阡陌者空其籍無立錐者籍輒盈焉境苦其毒不敢言長吏至召問之奉刺刺與語旣執手以歡終乃頤指惟命日教長吏剝取民奉十有其七人號奉家爲翼虎室唐龍巡按至廉狀驅武

豪縛之械至途厚賂求脫不許計逸去追及之力弗能制正
惶遽時野無雲忽訖然雷震一聲奉已斃矣腹若剖五臟若
剗鄉官楊南金以書賀曰奉之惡盈質御史之威能制惡天
代殛之宵人茲生乎

正德十二年_丑秋雲南大旱祈禱無應沐總府玉岡謂巡按
唐漁石曰自巡撫追理職田無辜被繫天早在斯乎唐公因
檄府縣各閱其囚乃親閱會城而分巡杭東卿分守劉維新
咸預其事時七月十八日也次閱昆明釋三十八兩次閱雲
南府釋五十餘人又雨又次閱布按二司與六衛釋者益衆

雨亦不息傾城忻然總公爲建感雨亭士夫諸生皆陳時相
慶

分巡金滄道聶賢以去奸革弊爲務大理有指揮貪虐而善
媚貴官歷年不露公至徐徐使盡吐賄還故主乃繫之獄談
者至今快之

公重慶人

姚安知府黃澍清明平恕作興學校時有巨室罪繫久不能
完贖公與區畫以其室爲棟川書院遂得釋商人徐順募姚
人徐允勝負銀八百兩詣省行至三窠山被賊劫奪順誣允
勝家屬十三人計產陪償坐死獄公知誣懸重賞密察得賊

朱能徐友諒擒之集金還商十三人遂釋

劉謹山陰人洪武中父戍雲南兄又以督運死京師謹六歲問家人曰雲南在何方家人以西南指之輒朝夕向西南遙拜年十四瞿然曰雲南雖萬里天下豈有無父之子哉治裝尋父歷六月抵雲南艱辛萬狀遇父於逆旅相持號慟俄而父患瘋痺欲以身代戍而國法戍邊者惟十六以上嫡長男始得更替於是復歸攜伯兄子往而兄子亦尙孱不得代又復歸悉鬻家貲以往蓋三往返雲南始得歸其父焉

費良弼吳興人洪武初以蘇州太守謫戍來滇每旦擐甲執及登陴風雨罔懈西平侯沐春禮遇之爲建庖室於城舖之側以幼軍一人置爨忽數日堅臥不起西平遣人候其疾弼曰疾痛則無營車已晏駕矣後十餘日哀詔果至蓋夙精天象也初崇正門在西南直下羊市街弼言其不利因改闢於東尋召爲博士

常繼祖昇子永樂閒安置臨安攜其祖像以隨尋召至京賜鈔幣遣歸生子甯甯生復宏治五年錄功臣後曰常遇春佐皇祖定天下有大功今其子孫降在氓隸朕甚不忍其加恩承祀乃以復爲南京錦衣衛指揮使嘉靖閒又封昇裔孫元

振爲懷遠侯

杜光庭青城人寓滇以文章教蒙氏嘗書蒙詔德化碑精妙有法卒蒙學士爨泰葬之於玉局峯麓其子死葬騰衝龍鳳山清平官張羅疋竝爲立廟按宋居白幸蜀記光庭杜陵人遊成都隱青城山年八十五卒於蜀第舊志載光庭卒葬又實有據竝存其說以備參考

李善江夏人有雅行淹貫古今號爲書麓顯慶中累遷崇賢館直學士兼沛王侍讀爲文選註敷析淵洽表上之賜賚頗渥出爲潞王府記室參軍遷涇城令坐與賀蘭敏之善流姚

安遇赦還

脫脫蒙古人順帝時爲中書左丞至正中自請出師討徐州賊朝臣上章畱行不果遂假便宜總制兵馬破賊於徐州又破張士誠於高郵城外哈麻忌其功喉御史表賽因等劾之詔削官爵安置淮安龔伯遂曰丞相常受密旨宜一意進討且勿開詔脫脫曰是與天子抗也如君臣何遂受詔旣而臺臣又論其謫輕再徙雲南之騰衝知府高惠欲妻以女辭曰吾罪人也安敢念此後再徙阿輕乞之地哈麻矯詔遣使鳩之

劉寅崢縣人洪武庚戌進士江西僉事謫金齒貨藥訓蒙所
著有武經直解傷寒脈賦標幽賦註其自銘曰少遊滄陽老
滯永昌道不遂其初志心終焉而遑遑研窮典籍著述文章
愧無補於名教徒取笑於大方知非思所以得善慮亡幸獲享
於中壽卽九原而徜徉萬厯閒巡撫陳用賓祀於會城與王
褒楊慎爲三賢云

曹應昌號石霞麻城人明崇正己卯解元癸未進士博學多
才父巽之選爲雲州佐解官居順甯尋卒應昌來滇迎櫬資
斧不給遂寓順凡山水名勝多所題咏後卒於滇大理府推

宮楊兆傑挈其櫬歸

楊應鶚關東人任貴州貴陽府同知吳逆叛因不受僞職安
置順甯大兵入滇僞留守郭壯圖恐鶚倡衆內應移檄僞將
令致之死鶚遂自縊其側室佟氏先投繯死雍正三年知府
范溥訪其藁葬在荆莽閒爲起雙墓立碑記之

曹學字行之號太狂蜀人嘉靖初客遊滇西性豪放能詩草
書道勁更精於畫性嗜酒居榆之中和峯日繫錢與壺於驢
背遣八城市酒人知爲曹之驢也取錢貯酒復遣而歸偶雪
夜墜驢驢以身覆之得不死後同楊慎寓蒙居數年卒他日

驢經其墓躑躅哀鳴撞死於側

張登雲貴州烏撒人寓定邊縣會猥賊屯營七顆哨登雲謀劫其營賊覺悉衆渡河登雲左持弓右執刃所向披靡斬賊先鋒賊圍之斫其左足登雲猶奮勇直前兵敗被殺

陳興齊趙州人乾隆丙辰舉於鄉十年官祿勸學正有文行醇厚端謹從無弄言亦不疑人誕語嘗登獅山賦懷古詩有誕之者曰太守以君詩入告矣興齊懼甚遂目裁闔室拜命邑人傷而祀之有某生者其弟子也嘗與同偶入廟詛夜復密禱於神毋責吾詛買叱耳仰視神則端坐者陳先生也某

惶遽而出自是邑人盡傳陳先生爲城隍神焉

厦賦者乃祿勸縣夷民其兄厦則往山穫菽賦持羹餅饁之適兄爲虎擒賦繞徑截虎目背盡裂叱虎曰爾毋傷吾兄吾兄無子不能死於爾吾願代吾兄爾來噬吾虎舍則徑撲賦賦挺立待之虎乃棄賦搖頭豎尾再四回顧而去兄弟俱獲全匹夫一念之誠能格殘暴若厦賦者可以風矣

毛尙達者隸人也軍興時與其儕張順隨祿勸王牧運糧永昌抵軍前中途遇賊衆奔散惟尙達與順侍不離翼王牧步行王肥不能走尙達恐賊及負牧而逃匿某所然册印俱失

危極矣尙遠復入賊取之回已又入賊收牧資斧竟與順同
死於賊嗚呼若尙遠出死力護所事既免牧矣復冒死索冊
印幸得之回亦可以止矣猶以旅資趣之復入賊竟死之忠
義若此竟出自下隸中名節豈可以貴賤論哉

虞山以書法受知

世祖擢光祿署正康熙閒累官通政司參議年八十六乞休 賜
銀幣馳驛歸新城王尙書漁洋送以詩云 兩朝黃髮承
恩八萬里青蛉擁傳歸驛路近南梅信早家山向日鷓鴣飛
劫灰歷後昆明在華表重來故舊非檢點賜衣頻灑淚 孝

陵松柏已成圍詩意極纏綿溫厚虞山之獲受 恩遇于此
可見焉又故老傳聞昆明趙士英鼎望工楷法登康熙丙戌
進士改庶常

聖祖命書前赤壁賦於象牙筆筒士英求
授筆硯卽於 御前跪書進呈大蒙

嘉賞嘗見鼎望與馬宣臣太史趙玉峯少宰遺書楷行法皆本右
軍並虞山可稱四傑此外如闕東白李厚居張退菴時麟川
楊一韓周立厓李章九劉公御錢南園谷西阿以及陳孝廉
源張明經宇文學博泰運田孝廉榮庭陸秀才樹堂廖明經

榮綸丁大令應鑿何大令鍾泰皆一時之選也

滇中山茶第一惟會城歸化寺其本合抱花大如孟元明以前物也往來遊宦羈客多餞別于此無錫蔣侍御武明洪武中謫戍滇南常作歸化詞云鴛鴦夢斷綵樓空馬首蕭蕭故向東歸化寺前多少淚年年三月蜀茶紅音調最爲淒絕張禺山晚年好縱筆作草書不師法帖而殊自珍詫嘗書一紙寄升菴且戲書其後云野花豔目不必牡丹村酒酣人何須蟻綠太白詩曰越女濯素足行人解金裝漸近自然何必金蓮玉弓乎亦可謂善諱矣

南詔以十二月十六日遊于避風臺命清平官賦詩驃信詩曰避風善闡臺極目見騰越悲哉古與今依然烟與月自我居震旦胡衛類夔契伊昔經皇運艱難仰忠烈不覺歲云暮感極星回節元昶同一心子孫堪遺厥清平官趙叔達曰法駕避星回波羅毘勇猜河闊冰難合地暖梅先開下令俚柔洽獻琛弄棟來願將不才質于載將遊臺

阮翁曰滇南張禺山集中潁川侯一篇可稱詩史其結句云陰風古樹無窮恨長爲英雄弔九泉可以泣鬼神矣

龍淙洞在玉案山發明于范制府承勳記稱筇竹寺後四山

龍從中得平地如掌龍泉一泓瀉入巖洞又出奔別洞注地
爲泐聲善恐人跬步間洞凡四五石樓窈窕若蜃氣吹空幽
折靚峭別有天地荒蕪蔚蒼鳥韻都絕洞房環珮玉聲璆然
俄而琴筑互咽笙鏞迭奏紆徐却導暨乎巨響忽發歌鍾噲
吟鼉鼓匉匉而衆樂亂矣因雜詠十首以紀之此康熙二十
四五年間事也

花紅洞在玉案山蘭谷和尚溥碗所開 御賜法界寺額

御書墨跡甚多俱藏于寺蘭谷如皋顧氏子 國朝別裁載
其詩雍正初北歸著有象外軒集其開此洞也作歌云滿山

松一林竹中有真人字蘭谷丙子秋間至此間闢徑誅茅作
茅屋栽芋子種蘆菔每日勞勞與碌碌披雲曾斲瘠山根負
薪還把楞嚴讀摘薇蕨采苜蓿誰識兩餐和薄粥又有龍淙
石屋一草亭顛丈臥石琴臺招隱峯三生坪小巫峽釣臺猷
广菩提泉小龍湫烟霞窟雲川石香橋環玉亭宛轉溪雲窩
聽瀑樓墨雨菴洗鉢潭花紅園五律二十二首皆其所開劫
締造而題目之者也殆輞川楓戍之遊矣蘭谷又有七律九
章皆爲此洞詠也迨其北歸後此洞遂成勝游尹文端總制
時有法界寺雅集和吳穎菴應枚學使詩五首有云仙源流

洞口石乳垂山房可以想見其勝矣按自范制府開龍淙後想已荒蕪迨蘭谷開花紅洞遂兼而有之增十景爲二十二景云此皆西山之名勝爲士大夫所宴集而總統于碧雞山者也其近華浦亦勝以近太華而名洲如地肺大浸不沒亦士大夫宴集地殆亦碧雞脈分絕海而浮出者耶此皆繞省環立者至郡屬各州縣多有巖洞著名者如富民之飛翠巖河上洞宜良之紅石巖仙人洞昆陽之三元峯易門之元武洞龍口洞其奇勝亦比于省城而以數見不鮮毋概列也壽胚胎洞在武定北接羅次廣通界故金華洞也二十八宿

真像藏于此感夢于唐明皇發洞而得之獨闕氏宿蓋卽明皇也于是立矐改縣曰真甯在今羅川鎮莊曰氏可老此壽胚胎之名所自來也此事見于太平廣記頗詳而續博物志亦云明皇得二十七仙玉像于甯州羅川縣金華洞奇偉異狀各各不同內有心星一座甚美手板復有明皇御名其地屬氏可思莊其人已百歲後置真甯矐改羅川爲真甯縣今有玉像圖傳于世此事滇志失載博雅之士亦無稱者清平洞在永昌老姚關外明鄧子龍破緬兵數十萬于姚關開此勝有偃草坡及有山亭荷花池上勒清平二字于洞口

題詩二章鄧號武橋郡人以武橋精風水也洞旁有樓武侯遺像卽祠其上樓前有井皆其遺蹟其別清平洞有詩云開爾清平記六年許多盤錯破中堅梅根挂壁全無土石乳爲門別有天釋子好看池上樹莽兒休據洞前田我去莫教碁石爛有山亭上月長圓又題姚關清平洞云洞裏神仙洞外春清平不問舊將軍映溪楊柳依依綠滿岸桃花灼灼春醉酌幾杯消白晝閒拖一帚埽浮雲圍棋未了千年局倦展諸夷納貢文按後章賦閑作前章乃別洞作也膚功雖奏蠻猶未定而以讒去故馬繼龍慰留之云衆口仍教讒慧苒南人

只解頌銅標則著此洞卽以爲武橋銅標可也

漁澄洞志云在姚州城西菱湖漁澄洞爲始篁先生隱處人代無考今按雲笈七籤所載天地宮府圖第六十三福地菱湖漁澄洞在西古姚州始篁先生曾隱此處而非治處也仙人安公治志云在姚州城北金沙江卽古西梁州瀘水見雲笈七籤天地宮府圖今按天地宮府圖第六十五福地瀘水在西梁州是仙人安公治之則是主此福地也按洞天福地遍九州滇無洞天僅有兩福地故著之安公則六安治師得道者也

滇南獨以雲南稱爲彩雲現於南中今雲南縣是也後以雲南統全滇故字縣曰小雲南以別之且直稱爲洱海縣不言雲南而雲南實以彩雲名故左思賦蜀都爲言彩雲之所自起也曰於前則跨躡犍犍枕輻交趾經塗所互五千餘里岡巒糾紛觸石吐雲鬱蒼蒼以翠微岷巍巍以峩峩千青霄而秀出舒丹氣而爲霞玩其詞意似彩雲之出由滇南山川氣發而有然

己巳正月二十三戌刻省城風雨電雷霹靂一震大小官署從外至內中門洞開雖重幃疊障燈火俱息民居亦然關鍵俱折若截薪廨舍盡傾火藥局陷爲深阱局貯槍刀屈曲飛散拋挂數里外箭插遠近街衢瓦縫中礮重千百斤悉飛城外各田間察使公署化爲瓦礫與康熙中楚北失火藥局情形相似但雷雨微異時以起旱蛟奏著飭賠

僞秦王孫可望雖陽奉永歷誅殺任意一時廷臣皆收爲腹心有禮部主事方于宣者擢編修諂事尤甚爲可望譔國史一書稱張獻忠爲太祖作太祖本紀比崇正帝爲桀紂又爲制天子鹵簿定朝儀言帝星明於井度上書勸進後可望爲李定國所敗投歸本朝于宣自知禍及時有錢中丞邦芑者

守死抗節爲人心所歸方馳書於錢云欲糾集義旅截擒可望以報國邦芑得書大笑答以一絕云修史當年筆削餘帝星井度竟成虛秦宮火後收圖籍猶見君家勸進書未幾縛至滇竟得逃死

彭公而述字禹峯喜談兵意氣慷慨遠宦嶺表往往馳逐戎馬間善飲啖酒一吸數十杯醉後縱談時事此古所謂豪傑之士也嘗過伏波廟題詩曰鐵橋黑水舊知名天險還勝百萬兵試問臨戎持節客當時何路入昆明其叱馭之氣老而不衰者如此

石丹崖先生丁卯亞元令蜀之納溪縣北臨渝江每遇淫潦積屍滿岸先生憫之申詳收瘞一時名輩俱有詩紀其事簪崖七古最爲擅場予於庚寅秋從先生談藝致遠齋竹木松雲清幽峭禱出示時文二百篇瑰偉宏麗大類國初諸老業經板行詩有咏史四卷多不及載其題湖石云斜孔露藏顛倒月危峯下上卽離天是蓋苦吟而得者至與蘇柏軒夜坐云情話偏長爲酒多又自清切可味

錢學使南園少負詩名不自存稿多散寄諸友人處古體清勁質實近體高逸沈鍊乙未乞假還滇其臨漳遇雪云刑臺

路轉背初陽日日西行引轡長一雪齊封韓趙地萬山交送
濁清漳谷陰冰滑駝顛趾雲際風嚴雁拆行欲弔古來征戰
地題詩先怯鬼雄傷隨州道中云枯楊風意苦廢寺水痕明
又云膾芥魚拋枕羹菘鼈褪裙前之雄直後之巉削無不各
極其妙才人之筆不可端倪如此

秋海棠開微雨後水芙蓉褪夕陽時晉甯唐葑洲先生句也
先生以此得名後輩多議之者然先生於此道實已成家萬
荔村謂其似許丁卯予則謂其似劉文房集中遊雞足山五
古鳳皇卵歌俱能不失體格卽以前二語論之如汪鈍翁白

蛺蝶飛芳草外紅蜻蜓立藕花中較此已有雅俗之別操觚
者不可不知

高羽豐前輩未令餘干時落拓不偶負才忤俗乙未春同上
公車舊於樊城眷一妓訪之已死歎歎累日予戲其未必果
佳羽豐掀髯狂吟曰枉說當年人不信小桃花在夕陽前又
有對酒一絕云萬里悲歌盡春風草又生徘徊殘照裏往事
怯分明誦其詩如見其人

雲龍黃月軒前輩中年中式素以詩自豪其題蘭津橋中四
云路窮生造化人過入丹青曉岸雲常戀雄關夜不扃鎮遠

云地窄能容市橋高不礙舟辰陽舟中云老奔黔道千山馬
寒臥辰江十日舡兕牛灘結語云夕陽古道無人來溪上一
亭危欲墜皆新俊可誦

朝發青山頭暮歇青山曲青山不見人猿聲聽相續南海程
溱湟古詩漁洋刪作絕句程深服之蘇文視北瓶梅云捲簾
見青山梅來青山路枝上帶烟霞窗虛化雲去又月夜句云
步屨行月中人寒影亦濕神韻俱不減前人

蘇丈柏軒為侍御觀巖先生令子篤志力學戊子下第臥病
有句云青衫命舛囊中穎白髮神勞掌上珠寫情用事殊非

苟作者

龔簪崖古從軍行二絕云無定河邊夜月昏鷓兒嶺上陣雲
屯三千盡有封侯骨畢竟誰擒吐谷渾從戎二十執戈及百
戰餘生膽氣粗飲馬長江休照影恐驚霜雪上頭顱亢壯之
氣颯人眉宇

彭大竹林幼郎工吟咏天才雄傑然如出土古彝器必略有
缺玷方入賞鑑其五古云游鱗不避人物我同一喜此喜字
之鍊可與王右丞階前虎心善善字相敵兕牛灘瀑布云高
岸經年雪青天不斷虹渡河云乾坤惟此水江漢盡支流響

水關云空外濤聲奔日夜馬頭山色落西南樂亭道中云東望海翻雲似墨北來天合柳如城皆磊落自喜迴不猶人已亥庚子間以武陵胡羨門薦赴會垣客徐兩松先生臬署今中堂孫補山先生方守藩伯主賓酬唱相得倍彰後二載挑發粵東羨門已卒於滇竹林爲刻其詩四卷傳之近又聞其搜訪楊栗亭遺集將以付刊此詣尤爲今人所難者

太和楊栗亭以書卷爲性命體素癯天明就案必丙夜始罷著有經腴史肪俱未竣而卒其解中憶三塔鐘聲云流螢度疎箔微雨霽高松坐對竹間月相思雲外鐘秋聲下木葉霜信落芙蓉安得騎元鶴歸飛駐碧峯又有七言云涼月一天荒驛白好花三徑故園黃雖未能盡絕依傍然較之托跡宋元者相去不知幾許也

易州司馬袁葦塘摠角後卽與竹林唱和一時稱爲彭袁古體仿元白近體間染指於溫李乙未全赴公車題少陵祠有句云房公終罷相嚴武竟能容十字括盡此老一生予謂杜茶村之咏東坡曰蚤讀范滂傳晚和淵明詩差可相敵

王聖峯孝廉居榆城之觀音塘人品和粹素稱制藝能手門下士多成名者予以試事赴大理遇暇卽相往還出咏史詩

一
卷屬予點定其咏漢武帝云那知四百年文治全仗雄才
大略人東方生云過王數罪二割肉自譽四汲黯周亞夫云
介胄無拜禮將軍有揖客君前與臣前亞夫無乃越遣用成
事中自出論斷大得運實於虛之法

許丹山庚子中式年逾五十其嗜書與栗亭同而和易過之
詩品亦如其人設教飛來寺與聖峯夾汨河而居予都門懷
人詩云古心古貌超流俗最愛丹山與聖峯一水盈盈淡相
對講堂雲散暮天鐘令子晉齋已酉拔貢亦能詩善六法

陳穎村儻工吟咏嘗自刻印章曰榆城一武生辛卯客彌

渡同人邀集紫薇山房共擬聯句時楊芝翁並視北竹林簪
崖俱在座穎村首唱曰酒樓人去日西斜餘皆擱筆蓋用張
君房事也後竟落拓以死未及中壽時令子明九選貢甫冠
卽司訓宜良曾有咏雁句云雲來蘇武廟月落李陵臺戊申
冬亦卒於署得年二十九喬梓俱負材而俱嗇於命惜哉
詩讖之說予多不信然亦有不爽者同里金式昭先生立品
端方接人和粹設帳三十載癸未謁選改教回滇卒於新鄭
嘗有咏佛手柑一絕云託根西土問誰栽百卉曾經指點來
屈處原多伸處少一拳半握待人猜生平景况被此詩道盡

又於景忠菴夜坐有句云代僕晨炊冰結甕覓薪夜坐雪堆
廬雖一時真事終嫌寒苦之態逼人

白川李維屏先生以歲薦授姚安廣文歸林後年餘八十猶
自健飯予得其畫竹一幅上題七古結云寄君尺幅掛書堂
炎天無日不清涼前輩風流於此可見

楊芝翁老於諸生素有三絕之目字已到香光妙處畫極清
韻詩亦簡淡予嘗私議其詩不如畫畫不如字先生殊不謂
然曾題龔解元揆翁吟卷有句云太行春碧浮詩眼七字可
敵唐人

洪棕巖性穎妙詩文皆能以深思得其奧義庚戌同上南宮
老鷹崖句云倦客怕談當路虎巉崖猛似脫鞴鷹極有生致
又曾見其三塔寺和趙所園五律云雁聲三塔外秋氣一樓
中較所園初唱更佳

趙所園大尹罷官後著有倦圃集大類鍾伯敬詩歸風格五
言律云秋雨不憐菊離披壓徑黃又云權花兼課竹無事覺
春長七言云疎林矮樹飛黃葉淺渚輕舟漾白沙又云三杯
便醉吾衰也半濟逢傾事已而幽思雋旨頗耐尋繹
少雪湖以開爽之才銳意吟咏素從栗亭羨門遊其舫溪早

行五言云溪深遲見曉上馬怯孤峯霧重冰生石雲消雪在
松寫景清真雪後夜行云山雪照行路不知寒夜深梅花一
萬樹明月生空林結體超逸荆州七言云江風信有雌雄勢
人事難憑出沒洲武陵道中云孤村人靜烟生竹野渡舸過
鳥上汀皆新穩可誦予謂其魄力可企竹林而氣象極似簪
崖

嚴解元匡山出筆娟秀予嘗愛其一春書對鏡臺修之句爲
麗而有骨庚戌報罷回滇今學使蕭碧畦先生邀與衡文按
榆時由關中寄予云十九峯巒笑近人看山何處染緇塵離

情少物迢迢水一夜兼葭曉月新措詞深婉落墨黯然

汪彤撰雲壑先生督學滇中極傾倒於龔簪崖羅琴山曾合
序其集且謂琴山具體王孟簪崖出入於遺山青邱予遂以
五律二章寄琴山其次云稱與簪崖子東西峙兩生高元才
自逸王孟格猶清一序堪千古三都敵二京望山差後起鼎
足不嫌輕望山蓋謂文五也

望山爲西浦難弟負才卓犖能詩古文兼工筆翰性嗜酒醉
後多罵座人皆畏避然其中坦坦如也會次南園先生韻題
予仁月圖有云安得延清輝照我讀書室鑒我冰雪心淨我

疎狂疾使我懷抱舒傾倒謝明月著眼仁字頗得鄙意之所
在

張大溟洲晉甯人性豪邁丁未客都門時與望山匡山過予
談詩予回滇溟洲亦往濟南庚戌春同寓宣南坊出示東山
遊草一卷造語生辣頗多可採者中秋夜舟中獨酌云豈是
今宵月偏於此處明長江人萬里短燭夜三更姜伯約祠云
若教依魏氏誰肯祀姜公得子如鳴鳳知君有臥龍九番承
壯志百戰矢孤忠古廟臨流水滔滔恨未窮飛來石云來是
何年月巖巖坐翠微兄兮如有翼吾願跨之飛登泰山極頂

石云峭壁撼天風巉巖噴紫霧我登封禪臺喜得振衣處春
閨怨云看花鎮日小窗凭幾度拈花懶不勝羨煞無愁諸女
伴手裁雙鳳繡春燈七律勵志句云雞犬最宜妨野去牛羊
莫使入山來九日滾人云送酒人來荒徑晚題糕客散暮山
寒如新鷗出林羽毛俊異倘加以學力吾不能量其所至耳
方大夢亭晉甯人朱四笏山石屏人住京日往還甚密予曾
作老將一律云二十從戎勇冠軍燕然山斷阜鷗羣推堅不
肯辭前部羣穴曾經立異勳苔臥綠沈槍已澀血凝金鎖甲
猶殷白頭甘向關門老閒對秋風指陣雲夢亭曰十二文中

殷字並無此意若必作此意用不如移入十五刪則山關閒
閒還艱殷俱成妙押一時手滑偶致不檢遂易爲苦臥綠沈
槍黯黯血消金鎖甲紛紛然終當改作以答良友之意也又
有本事一律云已成情恨復情癡惡耗傳來信忽疑愁易填
膺仍諱病藥難攻膈枉求醫淒涼被履餘今日辛苦刀砧憶
往時我未言歸卿便死免教人世有生離笏山曰不教人世
有生離似覺更爲淒緊免教是幸其死矣二君皆予一字師
誌之以示不忘

李葦齋爲庚午解元國衡公季子工時藝屢舉不第遂逃於

酒曾有咏梅句云大力冰霜後元功天地初簪崖評曰可匹
獨立江山暮能開天地春之句後人極力深造稍覺自得之
語往往不能出古人意之所到所謂先得我心之所同然者
此類是也予謂沈公身了鼎革故此語彌覺其工若以宗旨
論之則葦齋句尤爲近裏

趙二覺莊摠角時卽與家素人唱和後則每變而愈工方夢
亭張溟洲何魯崖皆奉爲畏友其和人咏鶴八律有句云雲
中瘦格羣推邴華表遊踪舊識丁草閣雲團珠樹綠桑山日
挂島門紅糧熟芝田秋飯石書來闔苑體簪花楚塞高樓橫

月影黃州斷岸走江聲又於華山精舍謁玉峯少宰畫像云
輒障高懸歷歲寒九齡風度未摧殘白頭歸佛渾閒事說法
居然現宰官撫仙湖上返征鴻重到僧房謁鉅公石氣青蒼
雲氣冷山茶一樹接簷紅管鼎一齋亦可知味

王雪廬大尹性清曠善詩文猶工鍊筆著紅書二卷不減何
雪漁程穆倩隨意作沒骨畫頗有生趣予趨庭晉甯日朝
夕請益曾記其寄李澹園云囊空應有債筆禿定隨身造句
酷似賈長江又題畫意贈予云昂藏自有冲霄志瀟灑直看
出世姿絕勝人間最高樹蓬萊山上矮松枝雖雲林石田無

以過此

晉甯王公覺士宋公亦樂能詩工琴且時作嵇阮遊然酒後
多不自檢尹相國元長先生摠制滇黔時謂覺士不減吳江
顧我錡亦樂遇試輒冠軍後皆以狂蕩被斥王有句云高樓
鐵笛殘陽裏吹落江門一派秋宋有句云醉後不知身是客
家山一枕月明中

建水李文五前輩由知縣陞任通政司經歷素以詩酒自娛
性豪宕老彌嗜學註杜頗費精思然以五倫分體甚屬穿鑿
先生雖極自負予終不敢阿所好也丁未夏六月過先生寓

漢繫
几上一燈如豆猶跣足袒臂作洛生咏不絕未數日鼻垂玉
筋跌坐而逝蓋先生篤於至性宜其如此過荊州七古有句
云以賊攻賊侯所恥文望山謂關公心事一語寫出覺南連
孫權北拒曹操之言終屬機械又有題鳳凰臺一律云不到
青蓮不是才才人心地九天開澄江淨練古推謝黃鶴白雲
今讓崔國活汾陽君不見諷深飛燕我之懷香亭奏罷清平
調又賦離騷上鳳臺予嘗謂先生曰大著如林終當以此爲

第一

倪東平前輩原令柳城後補宜城性修潔工書鑒書臨董米

時出新意詩不常作間爲之聲調極諧卽專門者或居其下
唐葯洲先生戲稱爲柳生詩其偕友人飲豐臺劉園云五年
燕市苦摧藏怪底今朝喜欲狂婪尾千畦春爛漫紅螺百罰
興飛揚桑麻蔽野分泉潤竹樹成村散夏涼極目晴郊思小
趾尊前切莫舞山香此亦似經鍾鍊者

太和楊松舟先生赴任河西日過晉甯爲予言太和令屠雁
湖都門元夜有句云萬里他鄉人共醉一年此夜月初盈輦
下遂有屠初盈之呼予今年元夕亦有句云一年又見初圓
月萬里同看不夜天未知與屠句何似恨不起先生一正之

段可石全年弱冠卽享盛名落筆敏妙尤工行草成進士年
近五十素與段玉三王雪廬唱和乙未赴南宮有題木洲一
律次聯云灘急白飛千古雪江平青熨一痕天結聯則有買
宅之意同輩皆豔稱之予戊申南還過此感成一絕並寄可
石云木洲買宅摠虛謀雲樹陰陰水自流辛苦題詩前進士
江天灘雪共千秋

漱亭孝廉爲游戎陸公仲子能書喜畫結社碧曉別院有舫
載波光直到門之句夢樓太守極賞之廣爲延譽遂作波光
圖遍索諸名人題咏且自號波光以附於趙倚樓鮑孤雁之

後前歲暴卒年未五十則波光二字早寓不壽之徵

唐書武后之世不見有征雲南事余觀駱賓王集而知之今
具錄其略疇昔篇云膏車秣馬辭鄉邑縈轡西南吏印棘此
駱賓王亦從宦於蜀也其行路難云去去止哀牢行行入不
毛又云交趾枕南荒昆彌臨北戶川原饒毒霧谿谷多淫雨
則從征之事也其姚州道破逆賊諸波弄楊虔露布云浮竹
遺亂沈木餘苗又云三牯崙鎮此山卽南中巨防也又破蒙
臉露布云俗帶白狼人習貪殘之性河淪赤虺川多風雨之
妖水積炎光山涵毒霧竹浮三節木化九隆鄭純之化不追

孟獲之風愈扇又云山開窟穴旆轉邛川峻岐折坂之危滇池漏江之固又云城接祠雞竟無希於改旦山多神鹿終未見於擇音又代姚州道李義祭趙郎將文云滇浦挺妖昆明習戰致令王師失律兇狡憑陵亭堠多虞故有負於明代春秋責帥豈無慙於幽途合此觀之始雖小勝終亦敗歸史不書者蓋當時不以聞也唐之敗於南詔不止楊國忠而後隱蔽武后之世已然矣予故詳著之以表史氏之遺云

唐地理志安南通天竺道自羊苴咩城西至永昌故郡三百里又西渡怒江至諸葛亮城二百里羊苴咩今在大理怒江今在騰越怒江江波洶湧如怒也或作潞江非

西域傳有度索尋橦之國後漢書跋涉懸度注溪谷不通以繩索相引而度唐獨孤及招北客辭筌復引一索其名爲筌人懸半空度彼絕壑予按今滇麗永之地皆有此橋其河水險惡既不可舟楫乃施樁兩柱於兩岸以繩絙其中繩上有一木筒所謂橦也欲度者則以繩縛人於橦上人自以手緣索而進行達彼岸則有人解之所謂尋橦也非目見其制不知其解獨孤及之文以十七字形容之西域傳只四字盡之可謂工妙矣

幼名冠字長而伯仲沒則稱諡古之道也未聞有所謂別號者杜甫李白倡和互相稱名張仲吉甫雅什但聞舉字近世士夫多稱別號厥名與字懵然不知傳刻詩文但云張子李子或云某菴某齋當時尚不諳其誰何後此安能辨其甲乙故所著詩篇多舉交遊之字或書其名于下庶乎觀者俾言與事諧情景相對不知者或以爲輕之異哉升菴謂民風漓猶白衣市井亦輒稱號永昌有鍛工戴東坡巾屠宰號一峯子一善謔者見二人並行遙謂之曰吾讀書甚久閱人固多不知蘓學士善鍛鐵羅狀元能省牲信多能哉

晉甯唐池南侍御

琦

從

升

爲詩一日觀禪藻集梁昭明太子

同泰寺浮圖詩云梵世陵空下應真蔽景趨梵世事則知之

矣應真何說也

升

菴曰子不觀文選及坡詩乎文選天台山賦

云王喬控鶴以冲天應真飛錫以躡虛注引百法論曰應真

謂羅漢也東坡贈杜介詩曰應真飛錫過絕澗度雪鷲注亦

引文選云云池南檢二書果然他日謂

升

菴曰先生何以精通

佛書如此

升

菴曰此儒書引佛書云爾荒誕旁行之書焉暇究

之乎

前朝武將能詩者洪武中孫炎其後湯東谷胤績廣帥王一

清定襄郭登人皆知之雲南都督繼軒沐璘字學皇象畫學
米元章詩學六朝盛唐以僻遠人罕知之升嘗選其數絕句
于皇明詩鈔其詠臨安荔枝長篇云建水天何如厥土卑而
熱蠻花開佛桑候禽罷鷓鴣莽雲覆溟濛梅雨茲霧翳接地
茂細枝遮空舒黛葉翠葆霞焜煌錦幄風掀揭香麝忌經過
飛颺防盜竊勁雛赤膚脫肥奩瓊穰凸明璫怪可食冰丸訝
許嚙真珠綴紅雲瑋瑋乘綵纈鳳瓜天下奇龍牙眾中傑飽
食慙素餐長吟望林樾

用蠱恒在冷茶冷酒中及菜蔬肉食中第一塊上行其地者

慮爲所毒宜帶甘草嚼而嚙汁中毒卽能吐出仍以炙甘草
三兩生薑四兩水六升煮二升日二服或用都淋藤黃藤用
酒煎温常服則毒隨大小洩出若含甘草而不吐者非毒也
又三七末葶薺皆可解又白礬細辛爲末各五錢新汲水調
下得吐卽止又蠻人解蠱毒藥有名三百頭牛者土常山也
有言三百兩銀者馬兜鈴藤也皆宜佩帶有中蠱而臥病者
燒病人所臥之簣則病者能自言下蠱者爲何人也蠱祟有
神夜出攝死者之魂光如拽彗流入人家當知防禦又下蠱
之家其居必潔蓋蠱死之鬼爲之拂拭故牕牖之上纖塵不

染也覺之者爲女字坐則其蠱不靈又聞蓄蠱之家雞輒飛
去彼或蠱我方食時竊其少許密埋十字街心則蠱神反爲
彼祟又蠱神畏蝟取蝟入養蠱之家其蠱立擒

思想妹蝴蝶思想也爲花蝴蝶思花不思草兄思情妹不思
家 妹相思不作風流到幾時只見風吹花落地不見風吹
花上枝 誰說高山不種田誰說路邊不偷蓮高山種田食
白米路邊偷蓮花正鮮 姐在一岸也無遠弟在一岸也無
遙兩岸火烟相對出獨隔青龍水一條 妹同庚同弟一年
一月生同弟一年一箇月大門同出路同行 妹珍珠偷蓮

在世要同居妹有真心兄有意結成東海一雙魚 妹嬌娥
憐兄一箇莫憐多已娘莫學鯉魚子那河又過別條河 妹
金龍日思夜想路難通寄歌又沒親人送寄書又怕人開封
妹相思妹有真心弟也知蜘蛛結網三江口水推不斷是
真絲 右山歌九章皆田間所唱不知始自何人其音調較
子夜爲更古餘如石榴花倒扳漿打棗竿亦多可誦者
畫本小道然自古文人每有爲之者滇自擔當後朱子眉昂
張退菴端亮人品既高筆墨猶秀他如楊友柎王國信於暹
於遷高朗張以仁李宣及所謂溫驢繆雀鍾牡丹蔣葡萄白

丁蘭皆名動一時者近則羣推張明經宇楊上舍毓蘭錢分
司允濟王參軍暹萬明經承恩李布衣祐白明經桂李孝廉
維新李秀才枝郁而錢南園侍御之馬谷西阿黃門之鶴重
其畫猶重其人也

滇之祀典與各省無異惟諸葛武侯祠則是處皆有蓋其澤
之入人深乎土主龍神卽十室之邑亦必建宇而栖焉所謂
十八壇神猶沿南詔之舊若冢墓惟咸陽王最著蒙段之遺
墟公侯之片碣俱已消蝕而是巍然者與山河並永廉吏不
可爲而何不可爲哉

彌渡彌只里有李么大乃土巡檢之族佐吳尚賢開募隆廠
厥例無老幼俱稱弟兄由一至十每數下約數十人或百人
而呼十爲滿爲么渠居十數之首故曰么大云尚賢死往依
宮裏雁裏雁又死鬱鬱返每談及拓境攻緬時事眉色猶飛
同夥趙姓亦趙州人于其弟兄中隸三數下善鑄礮變大將
軍礮爲九節犁用則合爲一不用則分爲九以九人負之而
行後調赴金川議功授弁職副戎趙公宏榜又言新街之戰
緬將史姓馬上輪大桿刀驍勇異常渠親與交鋒幾爲所傷
後知爲彌渡人行文查辦蓋屠沽子以鬪毆亡命家屬墳墓

俱已無存矣

征緬時造船野牛壩桅柁纜猶俱由楚輸滇解猶者行抵白崖而師已撤遂棄于道旁約二十餘具槎枒西關外恐後之不知者妄生別議故記之雲南縣有二石柱高丈許俗名鎮海坊去地五尺餘以歲久剝蝕大僅如臂訛傳坊倒城沈老幼日往摩挲憂形於色今聞已折而城內並無他故激江舊傳城沈之說且謂天清氣朗湖光如鏡時漁人猶見城郭樓櫓蓋府治本高所見者卽其影耳退之云偶然題作木居士便有無窮求福人士大夫不可不知此意

彭禹峯

而述

開藩滇南有句云戰壘荒城蒙段外華風邊月漢

唐年龔端毅

鼎學

寄詩相憶其項聯云軍中轉粟青天上使者

論功大夏西俱卓犖可誦時休甯程封知南甯縣亦有詩名其別白石江云白石江戰場路潁川侯從此去達里麻敗何處斷沙遺鏃何其多伏兵游騎愁相遇回頭莫戀瀟湘江驚湍拍岸迷雲樹行人慣說此江惡白晝能令風雨作諸葛營邊戰鼓鳴梁王家上妖星落君不見張騫持節西使胡拜爵無過中大夫又不見馬援領兵擊交阯徵側徵或兩女子丈夫立功異域自有時時乎不利空爾爲山魃水怪莫相噙眼

中之人半霜髭據詩中所言則江在 國初猶屬巨浸而檀
默齋 萃謂涓涓細流與明史所紀不稱要知陵谷變遷本自
無常吾輩不可泥古以論今亦不可信今以疑古也

麻城曹石霞 九崇禎己卯解元父為順甯府推官卒于任石

霞迎櫬來滇過雲州一童子呼曰曹某汝到此何不省我曹

訝之乃誦其己卯元墨何處最佳何處為更某字蓋其座師

轉生者並贈以詩中多隱語童子旋卒而曹亦以病沒于旅

次有感事一律云夜雨名山禮少微泉香石齒即來歸教兒

學劍甯操未與容謀生但採薇百里虎訛天上事三江濤隔

嶺頭飛鹿門自笑非真隱十口勞勞製薜衣 其師即童
格菴正宸

順治庚子開滇辛丑補行鄉試時華亭張一鵠江夏楊兆傑

以推官充同考官中俱有中秋陪主司分韻詩張云舉杯邀

月盡忘眠况值浮踪遠在滇滿座人文流翰墨中宵河漢淡

雲烟星搖塞外龍蛇影露冷江干雁鶩天聞道弦期榆海異

幾時一棹看重圓 自註洱海月十一
月廿五夜重圓 楊云鬱久英流競脫羣

戰場不事事斯文馳軺遠徼披荒路掘玉深山伐古雲棘院

月高輝彩筆蟾宮風細曳霞裙多君奉使開南詔攜得香烟

滿座聞楊作猶為親切

胡國柱逆藩吳三桂燬敗後匿雲龍掖而誅之其題玉照山
房云羣玉拱幽居不假斧斤鑿奇豈竟他山自然現邱壑嵐
光互吐吞雲氣常相薄恍近赤城邊神秀紛錯落坐來萬慮
清靜覺塵囂卻漫道十二樓差比松風閣不聞喧車馬惟見
舞鸞鶴何意蓬萊峯依然在城郭題語石圖云從來不羈士
各自具奇癖性有山水真好乃無今昔石丈南宮呼假山老
泉惜吾友朱漁公清心喜畫石五岳起筆端千峯來咫尺空
靈風雨寒曲折蒼苔碧呼丈固名顛惜假亦拘迹何如舉目
間磊砢得所適杜少陵謂蘇渙爲靜者而後亦作賦韻語固

不足定人也史載李密黃巢俱能詩然哉

先輩之宦長安者尹楚珍閣學秉松林先生之教極重鄉情
凡公車者來謁無不見既見卽答拜雖委巷必步入坐談移
時問勞備至如有疾或竟故者醫藥封殮尤爲周悉鄉人咸
德之錢昆浦少司馬必戚友始見餘俱隨時答拜立崖周少
廷尉則不見亦不答拜惟日致不羈之士賦詩賭酒作字暇
卽鬪葉子顧必以奔競爲戒且喜談京朝掌故至石渠劉侍
御愈形簡傲凡外任必爲京官送別敬余公繼起選惠來照
例分魄石渠呼其僕大詬之于詰之曰先生固以清自好是

非暮夜金送者似亦無罪乃一笑而止錢南園謂其不能容人並不能容己此論甚確

鶴峯中丞負才雄傑胸次不可一世然三為督學巡撫皆不名一錢惟以收羅才俊為事江浙人迄今猶思之梁文莊相國常述其官府尹時奏對既畢將起立朝珠忽脫撒滿階除間公免冠叩首旋取腰下所珮絹巾膝行遍拾包而納之懷中仍復位叩首徐出純廟目送者久之被罪後屢下憐恤之論蓋其默契聖心非偶然矣近聞公子雲華侍御卒于濟南公之後豈真至不振哉

滇之婦女除織紵外無不司炊爨操井臼者間讀女兒經千

字文特十之一二耳然羌奴賦山高之句阿禧吟鍊立之章

撫此遺徽亦多新構如昆明龍貞女進士劉恬繼室未婚而寡乃往撫遺孤俾其成立三十餘卒

詳見詩略傳元鳥行云翩翩繞梁燕來往爭銜泥銜泥壘窠

巢巢成以生兒兒生尋食哺拮据無閒期形衰羽且落心力

未敢疲春盡鷓習飛引鷓出庭闈左顧綠荷池右盼紫薔薇

薔薇有芒刺挂翅兒難歸欲將翔碧空烈日似火紅欲將翔

四野四野多狂風干思無一可不如返巢中返巢倦欲息索

食兒啾唧振翻思再舉千鈞壓兩翼痛憶掠海時何知困此

城武定那憲章康生魁女同安志小姑夜話云別後方知晤較難
相逢愁緒轉多端韶華一去如流水姊妹今宵共倚闌花剩
幾枝羊躑躅春來到處鳥閒關爐香茗潔喁喁語挑盡銀燈
夜欲殘

李含章字蘭貞晉甯人鶴峯中丞長女歸安葉方伯聞泚繼
室著有馨香草其刺繡詞云願繡幽谷蘭不繡官橋柳蘭開
有同心柳折多分手羅稀不受針縑密不容線花好有人知
意苦無人見秋夜讀韋詩五古云山城足秋陰涼意入深屋
黃昏疎雨過簷溜斷復續霽色開遙岑簾際映寒綠微雲淡

落月餘光入修竹深更人未寢青燈照幽獨愛此五字詩靜
對黃花讀聞五弟翊捷雲南解首云天道循復環人事窮則
通陰崖有迴陽霜條無終封第五早軼羣頭角殊諸童奕奕
謝庭蘭矯矯荀家龍髻亂侍翁側秋水照雙瞳刈稻辨瑯琊
非徒詞賦工阿翁顧而言是子當亢宗預元欣有烏共談不
如戎何時羽翮成會看旗鼓雄豈期值顛危愛日不克終穹
梁忽以頹弱植愁飛蓬莫市擗洗金誰憐葛屐窮予時適梁
晉聞此裂寸衷欲往問骨肉無由效晨風喜子志益銳破屋
吟霜冬快筆斫蛟鼉逸氣凌雲虹去年返滇池別我來湘中

灑淚念衰門棟橈何由隆崎嶇豈足言賞斧苦不充但能達
里閭敢憚榛棘叢子言實悲壯我心有餘忭傳聞百粵道伏
處蟠虺蟲疲馬行不前毒痛到羸僮二僕沒于百色誰知失林麋旋
作翥霄鴻蜚聲一朝馳皎如日在東歡娛逮親申名字領王
公想見白頭人含笑幽泉宮苦心茂種德食報庸匪豐願子
服厥初善保干莫鋒七年植豫章漑濯同弱蔓千里走馱駝
踠足均凡駿先人樸斲志待子竟厥功喜劇成長謠涕泗還
霑胸題妝樓春曉圖七古云洞房初歇蓮花漏金雞呖喔催
春晝東風一夜透重幃門外梅花香雪厚愔愔妝閣靜無聲

春入流蘇暖帳輕化作濃烟上珠牖日光花氣未分明美人
睡起慵看繡寶鼎香消簾影縹玉闌干外小回頭一聲啼鴉
春紅瘦萬回寺五律云山寺不知路忽聞流水聲溪隨巖石
轉塔與白雲平古木上無際幽禽時一鳴松根堪小憩試汲
碧泉清春暮遣興云春風去何速已過牡丹期百卉自榮落
吾生多別離日長挑繡後燕語捲簾時幽緒無人識重吟五
字詩題太白集云千仞翔孤鳳高歌一代中在天猶被謫于
世豈能容膽落高驃騎恩深郭令公再回唐社稷諸將莫言
功望樵兒不至云濟南秋八月接汝數行書報說重陽日能

回上谷車已經楓落後又到雪飛初何事歸期誤臨風一倚
閩湘江道中云打槳湘江路疎帆挂雨輕青山如舊識華髮
是新生苦竹深藏寺春潮半入城行人正愁絕怕聽鷓鴣聲
寄二妹七律云中年姊妹惜離羣况復殘秋百緒紛瘦骨一
春重抱病寒宵十夢九逢君薊門烟樹三更月滇海家山萬
里雲欲寄音書倍惆悵蕭蕭落葉滿河汾咏秦皇云金虎宮
鄰事可憐漫疑鶉首賜鈞天終令六國還三戶空使書生笑
九泉車載輶鯨山有鬼舟行縹緲海無仙傷心萬里長城在
依舊扶蘇伏劍年望岱岳云岩峩岬峙神州萬壑風雲在

下頭海外天光明野馬寰中人影動蜉蝣金銀氣湧樓臺壯
琴筑聲寒草木秋欲拂穹碑問秦漢苔封恐自有熊雷望華
岳云青泥黑水聳巒岉萬仞芙蓉絕頂看下界風雷生半嶺
中天日月駐雙丸金莖露浥仙人掌琪樹花濃玉女壇博得
三峯憑縱目蒼茫長逼郡樓寒吳衣山兄云忽傳妖夢厄龍
蛇愁對西風雁影斜沉痼廿年疑有祟故山萬里竟無家只
今空灑令原淚憶昔空攀閨苑花遙指燕雲淒欲絕嬌閨猶
自滯京華長沙節署感賦時外攝大中丞事云廿年天籟鳴
環地今日隨君幕府開畫角乍迎新使節春風猶憶舊妝臺

殊恩象服慚難稱遺愛棠陰待補栽聞道江城輿誦美如水

樂今又重來自註丙戌先君子巡撫湖南予隨任居此七子山省先大人墓云空

留馬鬣五湖隅不見巫陽降紫都萬里雲山栖大鳥廿年風

雨泣諸鷄及門盡望西州樹自註墓為吳中門人助築此地曾還合浦珠

回首音容竟何處白楊蕭瑟慘啼烏讀晉史七絕云雷池一

步寇氛深越局勤王豈患侵不是天門會折翼惜陰何異擊

壺心裙屐風流宰相功深源夷甫讓從容小兒輩不能平賊

高閣先應東謝公渡江有感云燕齊晉楚久停驂往事回頭

淚尚含滿地西風吹柳盡孤舟今日到江南初歸吳興感賦

云每話歸田便慘神轉頭誰認舊巢痕可憐八里橋邊水難

返三生石上魂太恭人幼承庭訓學邃才鴻雖結縉之後化

洽型于遂爾獨步一時而金碧之靈寶式憑之矣

華陽黑水惟梁州黑水西河惟雍州黑水自有兩必以為一

宜其愈解而愈離也雍州之黑水由西北以歸北梁州之黑

水由西南以歸南雍州不言導黑水而言至于合黎黎亦黑

色安知其不並弱水而入流沙乎蔡蒙旅平蒙即祿勸縣之

蒙嶽蔡即蜀之峩眉旅衆也和夷底績夷語坡陀為和也唐

有太和城而麗江亦有十和蓋高者既治而卑者隨之如注

疏家之釋旅爲祭讀和爲洹鑿矣
段與蒙據滇逾六百載段之裔甚繁且多舉科甲者檀默齋
作世家以表之謂其保境安民極得黃老清淨無爲之意而
蒙獨無聞然野史謂楊干貞爲蒙世隆外婦之子鄭買嗣旣
篡殺蒙姓八百餘人而干貞育于漁家後報仇復國以不善
撫其下遂爲段思平所取審是則楊之中亦有蒙之一線寄
其間矣况異牟尋棄番歸唐較寶融錢鏐爲更偉而其制度
政教實遠出十六國十國之上乃不獲與趙善政高量成少
綿世澤蒼蒼者詎若是之酷哉

九鼎山在雲南縣西北二十里一曰寶泉九峯相並望之簇
如青蓮石穴空洞盤折而升其上有九鼎寺毘盧閣古佛洞
華嚴洞玉峯塔諸勝倚巖數構飛梯令人登之有挾風生羽
之想吳郡馮時可詩九鼎巔^嶺旣望裏新長松落落逼蒼旻蜂
房燕壘虛無地^簷簷^窠蓼牀遠絕塵雲宿下方流玉葉月生半
壁吐金輪最憐政暇能兼隱倚石看山更幾巡

水目山在雲南縣之南二十餘里山巔有泉深不可測南詔
段氏於此建水目寺相傳初建時有僧阿漂爲工匠都養炊
爨汲水以供衆僧未嘗違失日則奔走勞苦夜則懸首廟梁

二十餘年其懸髮金鉤至今猶存嘗繫筐入市貨乳酪蔬菌之屬雖二百里外產者一日致之人因其出窺其室中見漂閉戶默坐置筐坐前有頃筐中諸物白盈覓者誼於衆漂遂立化寺有白虎窩黃龍木犬之異凡貴客至木犬自吠蓋關捩所爲者

竹埭寺在蒙化南百里許無僧止有石佛早則蒙人昇之城隅禱應卽還山所居左右產竹甚茂竹稍下垂佛石其潔如埭亦一奇蹟

石寶山在劍川西南二十里上有靈山狀如仰曰纔容斗水百人挹之不竭不挹亦不盈也洞中有石佛石棧石井石人以至獅象鐘鼓蛙蛇之屬遍於陵谷皆石也大理李元陽記謂緣崖諸石像如大土羅漢者甚多皆若雕鏤然及省其手足指爪剝折之處又皆空洞如人骨然乃知其爲天成也楊慎詩初地追清賞名山愜素聞峯巒合元氣樓殿截霞氛灌木長藤繞幽篁細路分剛風凝石髓香梵滿崖蒸泉溜瓊瑛響天吳紫蘚文興因靈運發人是謫仙羣秦客迷青靄湯休和碧雲便應開淨社甘露洗塵紛

獅山在武定城西五里峯截如削壁立千仞其巔平敞里許

有泉噴出瀦爲小池池旁羅漢松一株大數十圍霜柯鐵幹
世所罕見巖半有菴曰龍隱中祠建文皇帝云帝自靖難師
入自髡以出栖此山者四十餘年始自白歸大內今其像禪
衣錫杖淒然老衲狀也

彭孫貽弔黃谷詩序云滇人黃谷棄戶侯印以丹青自娛侍
御朱公按滇攜之來海上二十年矣洊經世亂棄家不歸知
交所贈隨手付酒家子貧病依其門下士張遠以老無疾死
張經營其喪人感義之余作詩弔黃兼以美張張甬東人詩
曰一代黃公去無人識故侯錢刀浮白盡山水點蒼留久臥

眼穿看斗柄幾人身已試蛟涎滇陽萬里方嫌遠又隔滇陽
路五千合沐玉岡阿瓦城邊水似湯之句觀之險遠之狀已
可想見

趙觀察翼鬘華山殺賊歌云征緬師回賊躡尾扎營猶距七
八里一朝師駐鬘華巔賊乃近逼山半眠此賊目中已無我
將軍見之怒如火明晨要與賊死戰人必帶血馬必汗賊久
識我軍令明三吹篳篥軍啓行我軍啓行賊亦起接踵來擾
殿後兵詰旦仍吹三篳篥銜枚卻伏箐林密沸唇賊果漫山
來只道官兵去已畢忽然一礮驚轟雷萬衆突出山爲開刀

如旋風矢如雨賊駭欲退身難回乘高大呼何處走截殺快
於宰雞狗矢無虛發輒貫胸刀纔一揮已剝手其有漏刃紛
逃生前人趾踏後人首是時官軍氣益壯賈勇疾追窮所向
殺死猶少壓死多填滿山溝一千丈噫嘻乎人間戰功有如
此數與古來誰可比叢射靡涓古樹下生擒乞術三殺裏蠢
爾緬酋力幾何敢復戴頭來送死高黎貢山歌云巨靈開荒
劃世界奇山驅出中原外聽他家距蠻徼中負地掀天逞雄
怪高黎貢山潞江畔萬仞屏顏插穹漢我行起趁雞初啼行
至日午山未半回視飛鳥但見背俯瞰眾峯已在胥雪經烈

日曬不消瀑作怒雷吼不斷每上一層冷一層夾衣旋把重
裘換無端嵐氣蒸蘊隆幻出白霧粥面濃手伸十指看不見
何許厚翳將眼封少焉罡風來一掃了了仍露青芙蓉五十
三參更難上山上地名線路盤旋躡榛莽面真對壁何所參頭恐
觸天不敢仰危崖石裂藤絡罅老樹皮皴虎磨瘡有時栖鷗
夏長嘯是處啼猿發哀響自非人馬結隊行賁育亦怯獨來
往何哉設險有此形得非天以限邊庭豈知氣運有開闢形
勝不得相關局至今漸成康莊坦早有結屋層椒青層椒青
青日西下借問下山尚三舍解鞍且就茅店眠驚看繁星比

瓜大皆從經略征緬時作華鬢山明將軍戰處也

王少司寇和征緬時再渡金沙江卽事云南荒經南空未
鑿誰考江源溯曰霍蠻暮南來大展拓斷岸長天莽寥廓何
爲衝風振長薄不見軒然大波作埜田秋鶴長於人盤雲忽
落呼其羣大魚躍水蒼無鱗丙穴石首非其倫小船三人槃
礴裸自注時與阿補堂制府諾肇仁臬使同渡數尺斜陽射林邏殺氣如山蔽空
墮激電一聲飛礮火

孫補山相國先以中翰從傅文忠公征緬甸見虜氛日惡口
號一首付諸同事云軍容茶火盛不戢便成災水土由來惡

烏鴛曉便來功成原有數我死愧無才腰下防身劍摩挲日

幾回後撫滇日有過曩宋關感懷云襪履登場野望寬當年

曾此駐征鞍軍聲如聽哈父密國語軍中勇往也山色猶銜吉爾丹

國語經略從事重來書劍老上公歸去石泉寒搖鞭曩宋關

前路遺鏃沈沙仔細看

緬甸之役張遐齡馮光熊錢受穀諾穆親傅顯富森王紹曾

王和趙文哲孫士毅毓奇劉秉恬惠齡博卿額裕善伊克坦

布明善薩靈阿成慶趙翼戴望嶧圖敏唐辰衡皆先後至滇

多躋顯位者惟趙公損之調赴金川隨溫將軍殉木果之難

入祀昭忠祠其潞江渡五古云聲如吼火牛勢如奔怒馬氣
如釜沸湯色如土崩赭我行逐雞鳴破驛燈已熄瘴雲羃四
垂夾岸暗楓檣招招一葉舟風中似飄瓦徒侶互牽挽臨流
淚頻灑迅湍激箭馳有柁不能把托命百丈牽去聲邪許音欲
啞溯流幾十里脫手乃一瀉旣濟慶更生稍息道傍舍朝曦
上銅鉦毒霧潰四野徐徐理薄裝獨向征鞍跨尚有負擔民
信宿枯樹下未持渡江符欲渡津吏罵吁嗟八關路譏覈及
鹽鮮用以懲不庭甯許暴矜寡此江走騰衝置吏何爲者我
非夜獵人醉呵幸寬假莫問司牧誰事紀庚寅夏

京江王夢樓先生以庚辰名探花入詞林大考第一晉侍讀
出守臨安爲屬吏所累部議降調其赴省日過晉甯獨游段
氏竹園主人出紙索書先生卽題云晉甯南郭外修竹自成
林風過戛鳴玉似聞流水琴綠天寒欲滴白晝淡生陰而我
栖栖者於茲清道心一氣呵成自然高妙時子年甫十七亦
和云旣然居有竹合讓子猷看地迴烟痕密天低月影寒况
聞減騎從相對倚檀欒嘯罷歸來晚神移第幾竿蓋先生咏
竹子則咏咏竹者

巖海珊商寶意浙中耆宿素以風雅自命商守元江巖牧嵩

明俱卒于官嚴有句云春水方生公且去桃花盡淨我重來
商有憶舊一絕云鶯花庭院綺羅年筆語琴心記不全贖有
舊時金屈戌畫樓深鎖五更天商以詞林外任故其意猶爲
凄婉

江陰屠笏巖田尋甸牧升倅廣州後卒于京邸宦滇者二十
餘年五次分校秋闈詩才怪偉其紀南掌貢象五古云 皇
帝庚戌夏萬方呼萬壽馴茲南掌國率舞致大獸物也有孳
生大荒自婚媾歲爲種人豢牡先而牝後孕及十二辰居然
子生候厥牙未杈呀厥目已美秀鼻小肆旁掠得于乳漚湊

三年氣吞牛力與鞠育副塗過九隆道忽爾胎生又嬌唬亦
守雌母教有所授溪黑兒病涉準長載且覆瘴烟養肌膚各
以口食就顧視憐最小行行恐顛踣入關王道平棘刺勿心
疚邊將喜不寐封章妙敷奏天南象如人夫婦偕長幼並展
君臣禮此邦不固陋慈雲引何窮庶類各碩茂大小同太平
豈徒壤奠舊封牛及師子上苑焉能究此客盡室行全家若
世胄甯甘齒潛埋他族競耕耨竊忝南蠻長按奇紛在殿逸
書紀嘉祥斯不獻羣后煦嫗或殯殮時和隨獮狩人倫暨物
倫燦若文明晝郊敷之所希成形上列宿庶幾命譯史作頌

王疇五思訓少參吳公傳公長身偉幹步健聲宏讀書過目
不忘精韜略技藝上馬殺賊賊當之無不披靡當時以文吏
而著武功者公爲多屐齒遍天下至輒交其名士所著萬行
草誌邊徼之治亂始終人情風物久爲田蒙齋諸公所賞晚
年復手訂全集曰我堂存稿嗚呼公負經世略積有功勞而
所歷多憂患垂老不獲竟其用可謂數奇嘗讀吳天章讀晉
史循良傳奉懷吳觀察之作曰有晉良吏中隱之吾所愛劉
訥菴懷人絕句曰黃昏哀角滿鈴岡多少降旗下夕陽只有

光宇宙

錦江康樂令春風吹淚雨三行此可以見公之生平矣公名
自肅海豐人康熙初官雲南提學道其大理懷古云西南奇
勝滿梁州滄洱雄封控上游張盛傳經開禮樂段蒙闢地自
春秋獻花逸事高三塔寫韻才名壓十樓祇有窮兵天寶恨
萬人冢畔草含愁

田中丞雯東川女土官歌云我觀女官如觀畫閣立本繪職
貢圖我觀女官如異夢奇形詭狀非一徒我觀女官入破寺
陰風慘淡魑魅呼古鬼昏燈揭鉢立老佛變相獅龍趨妖狸
鬪髻抹粉黛修羅甲冑吹笙竽雌者青氈包蓬首雄者碧眼

拳髭鬚女官 氣槩偉丈夫 火浣大衣纏其軀 九真藤杖紅珊瑚
糊金環兩耳垂 蠙珠腰下斜 挂雙湛盧繡裙拖地蓮花襦 自言
年紀八十餘 少小生長東川隅 通侯爵印大如斗 但有刀
劍無詩書 爨之兒二萬戶 牝雞酋帥風流殊 四海之大環
一島九州之外何名區 天子神聖今一統 白環銀甕入上
都 夜郎豈不知漢大軍 門納款非頑愚 黔州水西黑羅氏 其
國邾莒形骸麤 狎犴狽不足數 傀儡之戲如斯乎 蓋卽祿
萬兆妻安氏也

諸城李侍講澄中康熙庚午典試來滇其題清溪洞五言古

云陰洞積古蘚 削立訝爾牢 懸崖蹙石浪千尺 湧飛濤窅然
具天地陟降 遑言勞 扶杖步詰曲 所歷忽已高 仰面猿挂枝
俯身鶴聳尻 屢進不復止 鍾乳手自搔 天矯垂乖龍 偃蹇蟠
金鼈物類各形似 相顧求其曹 再入苦泥塗 泉滴響雲璈 平
生喜創見 快如鷹解條 乃知造化力 淺深隨所遭 差竣後駐
楊林修蘭止菴 慕聞侍講于朗江 旅次見長髯者 過謁以邱
墳見託 並道姓名而去 至滇詢之始知爲明人 其記中亦隱
此意云

西林望山兩相國先後制滇政事之餘留意風雅鄂文端戊

申元日 述懷云春盤椒酒薦諸兒佳景當筵轉不怡川島霓
旌交發 曼茶山鐵騎奮窩尼烏奴未滅難朝食赤子何辜忍
後期萬戶千門家慶日劇憐將士飽艱危時方用兵茶山也
又宿易隆驛示送者云撒手衝塵不住因板橋回首已前身
從知三萬六千日半是東西南北人悵別羣僚紛涕淚過歸
一老念尊親平蠻坊底休煩思好記天涯若比鄰尹文端護
花山房云怪石嶙峋臥古枝珠泉旁引細通池眼前物物皆
生意不獨名花要護持雲濤寺云何處濤聲起暮寒雲深古
刹隱層巒優曇樹外松干本好趁斜陽駐馬看味此四詩二

公之性情襟抱猶可想見

阿文成公會任滇督又以副將軍總師征緬其與錢冲齋觀
察話舊云三載征蠻府天涯笑語温晨昏欣共數冷煖不須
論話舊成塵影籌邊驗淚痕相期崇令德努力念師門祝王
蘭泉比部初度云瘴地三年客軍中百戰身傳經崇世講蘭泉
鄉試座主夢少司農午塘會試座主錢少司寇稼軒借箸重
及房師李宗丞西華皆先文勤公乙丑所取士也嘉賓白髮歸還未青鐙聚正頻初辰一卮酒梅放近陽春大
軍次永昌云王師毋盡殺脅從貸餘生一將功何有千軍怒
未平投戈收戰骨撤幕返春耕仰喜 皇心慰邊陲已息兵

博觀察明戊子赴滇城襄試事途中次趙璞函永昌見寄韻
云籃輿圍氈筍裏錫直上危峯倚仄壁秋霖樹杪瀑布懸倒
瀉銀河驚霹靂有時天外挂殘陽雨脚嵐光相射激郵館下
馬病怯寒疏櫺更借重簾幕嗟予七載離長安維粵荒城甘
闕寂簿書堆案吏奔走故我情懷了莫覓短衣瘦馬來滇南
都護牙門聽鼓笛塵封囊篋疏筆墨雲隔音書謝友戚况有
百憂來中人誰挹洪流一洗滌車輪日日東復西年來飯盡
驛亭喫理煩自顧性多迂守拙自喜情少適風簷甘苦半生
心故人最樂復來覲千山桂傍簷前香三危露向松梢滴摩

抄結習未能除如壁上觀鉅鹿敵趙璞函寄博晰齋八疊前

韻云英蕩函從香案錫誰遣衝炎走銅壁瘴雲如墨雨如漿

夜夜馬蹄生霹靂歸來遇我騰衝城卻怪北山詩太激人將

白髮自蕭散雨過黃梅轉蒙霧不辭著屐來取別書借一瓶

供破寂子在騰越值晰齋自塞上
回瀕行贈我書數十冊去歲征南幕府開參軍在

座君能覓玉門生入事如夢輒腳筵開鬪箏笛聽到陽關第

四聲年少何戡也悽戚晰齋有歌者朱琇色藝冠一時子天
于永昌屢見之近已攜歸大理矣

涯去住總難料未許征衣塵土滌杜陵依舊客諸侯對酒真

憐不能喫杜詩對酒
不能喫君今且看點蒼山試茗分香興清適畫

欄桂樹又秋風花下何人展嘉觀玲瓏休唱樂天詩燭淚還
愁替人滴借問維摩病若何定知談笑能罷敵晰齋薄病初起此韻
蓋起于阿文成公今元唱已不可得矣

璞函又于己丑歲除適副將軍阿雲巖振旅回永昌與王述
菴聯句八十韻云詔撤三年戍升人依萬里城受降唐節度

德甫振旅漢營平尚藉邊籌遠升之旋逢歲籥更星霜回暮節德
烽火息嚴程蓮幕叨陪侍升之椒盤快合并紀勳詞磊落德感

事意迴縈在昔承 恩命升於茲習義征重邀 王母

福德甫益勵丈人貞公初受命督師啓行時詣安賞資甚渥並傳諭所賜

青瓶如意皆寓吉兆云穴竄將窮鼠升之波翻未翦鯨先聞傾鼎餗德甫繼

悼結冠纓倉猝殲于遂升之消搖散在彭以上敘揚制府應琚貽誤軍事及將軍明

公等猛育殉節並錫箔木邦兵潰之事改弦軍政肅德甫挾纊士心傾戎略書詩

裕升之儲胥竹木贏習勞會運甕德甫肆武亦開棚分埒騰驪駱

升之排困積稜杭威真數絕檄德甫念愈軫疲氓勢可乘因壘升

功偏待秉衡以下敘經略赴滇統師進討各取道詎期公皆悉心籌議往復再三儀容諸將攝

德甫號令一軍驚借箸師中協升之飛符闢外行周咨常旁午德甫

秘算必先庚吉日應徐卜升之凶門詎急爭深燈輸悃悻德甫側

席費論評薪恐難移突升之棋虞易下枰終朝惟仰屋德甫前路

真際十一之二 雜載

遽揚旌萬仞嚴關峙時公由銅壁關前駐野牛壩督造戰艦而經略由萬仞關渡大金江收撫猛拱

以通西路升之干重駭浪橫蠻雲疑作嶂德甫淫雨積為阮振策經

途速升之浮查問渡輕幸牽巾櫛戀德甫得使觀輿迎猛拱士司

逃匿因繫其小妻勇決空羣醜升平安屬使伴遠期姬旦烏

德甫來就亞夫營時公已進駐新街屢遣夷人間此地雙江扼

蠻暮江自東來匯于大金江斜對哈維公隻手撐夾鉄親戮

坎為東西兩軍會合所經升之插羽亟徵兵削柿高檣

叛時隴川人蘇明燦段世瑞來往賊插羽亟徵兵削柿高檣

蠶升之鎔金巨礮轟何須然斷鎖德甫絕勝渡浮罌乘扁馳温嶠

遣伊將軍勒圖升之揚麾挈顧榮謂制府東西連玉帳德甫水陸應

銅鉦會合歡初沸升之飛騰氣已盈非緣欺小敵德甫直與奪先

聲姑蔑收空壁升之餘皇徙斷浜猿窮斯就縛德甫禽逸乃遭押

此敘十月十日新街水戰擊敗賊兵獲其舟風陣催帆飽升之

霜稜浮劍瑩官屯趨浩蕩德甫賊柵列崢嶸以下敘進駐老官

當轍塘宜捕升之藏嶠虎莫櫻越蛙徒自式德甫衛鶴那堪令忠

蓋通神鬼升之思勤邁父兄有言皆激奮德甫無物不輸誠瘴癘

寒猶熾升之瘡痍力轉勅槍烟摧拉雜德甫機石擊鏗旬執銳兼

持燧升之臨衝競挽鞬梯危懸碧漢德甫隧曲穴青坪俘卒聯徽

繹升之逋夷驗刺鯨時舟師生獲十餘賊并有自寨逸出來下

游援漸絕甫德中夜謀頻貞裹血方酣戰升炊骸遂乞盟老官屯被

圍既久舟師又斷其南來救援賊寨垂破而阿瓦酋長已具貝葉降書遣使乞款卑辭函鏤貝甫德吉

語應占筮公赴滇時途中遇善筮者筮得離卦六爻皆不動優武之兆也時值文淵病升羣

欽葛相名時經略抱病緬人來乞降者公諭遣之至誠孚裸虜甫德大義洽豪英

表餌幾全握升韜鈴術盡屏盤根衷獨苦甫德省括計彌精待

振虞階舞升徵調傳說羹旋師符 勅諭甫德請令為婺惇軍中

方受降 諭旨適下已命撤兵 納款求陳幣升攄忱謝宰牲權呼喧爨棘甫德

感泣遍柴荆臘後蛩催織滇中冬候蟲聲不絕 升之春前犢試耕視看

消枉矢甫德瑞定表華萃遠譯風諧律時緬甸貢使將至故云 升之新郊雪

散霽滇中少雪而連朝四山積素朝 天歸上輔甫德計日近

元正經略于嘉平十九日起程赴 關班管停磨盾升珣弓罷繫檠薦辛挑

細菜甫德透甲劈香橙泥飲蛆浮瓮升徵歌雁語等燕私蒙款

款甫德鴻論劇觥觥烏本期頭白升魚還念尾頰仲宣仍逆旅

甫德元叔剩餘生夢寐嗟相對升然疑忍共明追思從袴裙甫德

誓欲掃欃槍匪尚犁庭績升終酬攬轡情居恆時若厲甫德履

險道能亨偉節強哉矯升嘉謨展也成畫圖垂紫閣甫德譽望

溢丹楹猷壯推方叔升知深荷晏嬰願從元白後甫德驃樂載

同賡緬甸即古驃國唐韋皋為節度時進其樂璞函原字升

真卷十一之一 雜載

之述菴原字德甫詩中情事較平緬述略猶爲曲盡蓋二公時皆目擊也

副將軍阿公身已染瘴而老官屯之役立矢石最多處經略止之亦不聽後竟卒于軍中趙雲菘哭之云會從絕域立功

回五百驍兵萬賊摧回部之役公以五百兵敗賊萬衆使相旌旗開幕府上

公劍履畫雲臺攻心徼外勳垂就距受降僅數日矣曳足軍中志可

哀太息金沙江畔路將星寒落浪花堆會忝軍諮畫策長血

痕親見裹金瘡可憐病到三遺矢猶自身衝百戰場門望高

還傳帶礪 國恩深爲紀旂常獨悲丹旄還都日故吏無由

奠一觴

光州徐公森陽湖莊公復旦南昌杜公鈞望江檀公萃萬載

李公榮陞晉江黃公侑江都蕭公霖屯留馮公敬典錢塘汪

公庚張公霖常熟李公書吉徐州郝公杜以牧令參佐先後

宦滇皆各負時名而擅默齋大令著書至二百餘卷其他俱

有詩集行世王少司寇湖海詩傳載蕭曙堂楊林道中云溪

橫略徇路通車傍海縈行取徑斜萬里碧天初度雁千山黃

葉亂啼鴉場空棘戶犁新土水落漁舟貼淺沙恰憶江南風

景似幾回回首白雲涯九州之英聯翩戾止其未爲予所見

者又不知凡幾也

維揚吳公端朝虎林汪公修祚皆以孝廉成滇吳字眎堂卽
曉林庶常父原客果邸詩詞清逸爲劉竹軒中丞所重其以
仕宦議徙者有武進劉公煥章減徒騰越吳式齋刺史楷招
掌來鳳書院感賦一律云脫卻朝衫謝世塵春風時雨一番
新 主恩寬大容遷客吾道迂疎踵僂人來鳳山蠻推作長
怒龍江險欲尋津回思日下同遊日白髮相看老更親公爲
予辛卯薦師極相賞識甲午春寄予句云田園容易歸彭澤
婚嫁殊難了向平又云腳色久于同學賤頭銜合以長翁更

未三月卽罷官

滇中掌故則漢陸賈南中行記一卷 楊終子山哀牢傳一
卷 晉常璩南中志一卷 嵇含南中草木狀一卷 唐李
克雲南風俗記一卷 韋皋西南夷事狀十卷 袁滋雲南
記五卷 韋齊休雲南行紀二卷 樊綽雲南志十卷南蠻
記十卷 徐雲虔南詔錄三卷 竇滂雲南別錄一卷行記
一卷 李德裕西南備邊錄十二卷 熈文白古通一卷 宋
辛怡顯天禧雲南錄三卷 元郭松年南詔行紀一卷 李
京雲南志略四卷 張道宗古滇說原集一卷 明王奎南

雲稿二卷 李思聰百夷傳一卷 韓宜可南雲稿二卷
楊篤南詔通紀十六卷 楊慎滇載記一卷 滇程記一卷 南
中集十卷 倪輅南詔野史一卷 吳懋葉榆檀林志八卷
陳善滇南類編十卷 彭汝實六詔紀聞一卷 田汝成
炎徼紀聞二卷 顧應祥南詔事略一卷 郭棐炎徼瑣言
四卷 鄧漢南中集四卷 鄧原岳碧雞集一卷 薛夢雷
彩雲篇二卷 馮時可滇南稿二卷 陳用賓修攘備考二
卷 太保山樵緬甸始末二卷 諸葛元聲滇史十四卷
謝肇淛滇略十卷 本朝馮甦滇考十卷 吳自肅萬行草四

卷 檀萃滇書十卷 滇海虞衡志十三卷 詔史補八卷
余慶長銅政考八十卷 孫士毅緬紀事三卷 徐宏
祖滇南遊日記二十卷 明李元陽通志十七卷 包見捷
志草二十卷 本朝王思訓滇乘二十五卷 袁文揆滇南
文略四十四卷 詩略三十二卷 至各家詩文集之已刻者在
明則有蘭茂之元壺集聲律發蒙 郭文之舟屋集 楊一
清之關中奏議石淙彙稿 張志純之南園漫錄續錄 張
含之禺山集 李元陽之中溪集 楊士雲之九龍山人集
嚴清之冰玉集 楊向春之心易發微 葛中選之泰律

楊忠亮之素吟草 木公之雪山始音 楊黼之篆隸宗源 王廷表之鈍菴讀史 董難之韻譜鳳階集 唐堯官之五龍山人集 王元翰之待焚草凝翠軒詩文集 讀徹之南來堂集 普荷之修園集檉菴集 陳佐才之甯瘦居集 何蔚文之稚元集 文祖堯之明陽山房集 本朝則有王宏祚之思齋集 趙士麟之綵衣堂集 段昕之皆山堂集 趙元祚之我軒集 張漢之留視堂集若未經付梓者不下數百種其子孫什襲而藏匿弗示人數十年或百年俱已消蝕即有所存亦多漫漶矣惜哉

嗟蟲臂前身是虎頭獨憐門下士負鏡葬南州朱桐川云谷以家侍御知己之感隨至海鹽其手蹟流傳甚夥然已爲四方收藏家購去未可多見今亦有贗本矣

顧甯人贈郝太極云曾提一旅制黔中水蘭諸酋指顧空入楚廉頗猶未老過秦扁鵲更能工風高劍氣蛤川外水沸茶聲鶴澗東橋畔相逢不相識漫將方技試英雄後注曰太極滇人天啓中守霑益余於敘功疏識其姓名今爲醫客於吳之上津橋言及舊事感而有贈

施德裕字惟一雲南鶴慶府人領崇禎庚午鄉薦初授河南

封邱教諭陞四川射洪縣知縣於辛巳年擢貢州府同知時
 流氛日熾全楚蹂躪德裕單車赴任竭力守禦未幾城陷被
 執德裕叱賊不少屈賊索金帛德裕空囊無以應賊知其廉
 吏釋而遣之遂攜家寄寓雷江學圃蒔花以詩酒自娛足跡
 不至戶外大司農王公宏祚與德裕同年至契邀至白下一
 晤之外無他求也其薑桂之性如此晚尤食貧處之晏然卒
 年七十一歲

明定襄伯郭登自緬甸回感寄沐征南云毒霧昏昏水拍天
 孤帆風雨瘴江邊鯨波去日渾如夢虎穴歸來始自憐終夜

緬字

天



雲



雷



雨



蒸

定

某骨路

某喇


日

月

斗

星



賦

刺

庫捏戰

草來

江

ᠬᠠᠵᠢ

山

ᠰᠠᠨ

關

ᠬᠠᠭᠠᠨ

津

ᠵᠢᠨ

麥列馬

擋

岡

憂豆

酒

飯

醉

飽

ᠶ᠋ᠢ

ᠪᠠᠭᠠ

ᠵᠢᠵᠢ

ᠪᠠᠭᠤ

細

塔莽

也必

瓦搵

綾

ᠯᠢᠵᠢ

羅

ᠯᠠᠭᠠ

綿

ᠮᠠᠭᠠᠨ

錦

ᠵᠢᠨᠠᠭᠠ

賴

阿草刺

瓦保

都央

頭

ᠲᠤ

面

ᠮᠠᠭᠠ

手

ᠰᠠᠨᠠ

脚

ᠶ᠋ᠢ

康

媽那

刺

克類

眞卷十一之二

雜載

二頁

金

ᠭᠢᠨ

銀

ᠰᠢᠷᠢ

錢

ᠰᠢᠨᠠᠨ

玉

ᠶᠤᠮᠤ

稅

位

撒白刺

麥刺

紙

ᠵᠢ

墨

ᠮᠢ

筆

ᠪᠢ

硯

ᠶᠢᠨ

乍庫

莽細

竹丹

繳便

龍

ᠯᠣᠩ

蛇

ᠰᠡ

虎

ᠬᠤ

豹

ᠪᠢᠯᠠᠭ

那戛

麥類

賈

謝

朝廷

皇后

父

母

ᠠᠨᠵᠢ

ᠰᠡᠬᠡ

ᠠᠨᠠ

ᠠᠮᠤ

烏爹垢

米普喇

阿帕

阿米

漢書

漢書

宮

ᠭᠠᠨᠠᠭ

殿

ᠳᠠᠭᠠᠨ

房

ᠭᠠᠨᠠᠭ

城

ᠭᠠᠨᠠᠭ

南到

塔到印

印

某路

鐘

鼓

旗

鎗

ᠬᠠᠭᠠᠨ

ᠬᠠᠭᠠᠨ

ᠬᠠᠭᠠᠨ

ᠬᠠᠭᠠᠨ

康浪

摺

丹

闌

城

都

京

國

ᠬᠠᠭᠠᠨ

ᠬᠠᠭᠠᠨ

ᠬᠠᠭᠠᠨ

ᠬᠠᠭᠠᠨ

某路

然馬

反都

白列歹

節

歲

陽

陰

ᠬᠠᠭᠠᠨ

ᠬᠠᠭᠠᠨ

ᠬᠠᠭᠠᠨ

ᠬᠠᠭᠠᠨ

撒胖

捏

阿太

阿噴

真錄 十二之一

雜載

三

枝

𑖀𑖄𑖅

葉

𑖀𑖄𑖅

花

𑖀𑖄𑖅

朵

𑖀𑖄𑖅

阿苛

板

阿喇

阿榜

象

馬

牛

羊

𑖀𑖄𑖅

𑖀𑖄𑖅

𑖀𑖄𑖅

𑖀𑖄𑖅

唱

麥浪

那

赤

爨有字𑖀有字𑖀𑖅有字西番有字而獨載此于繫末者明
 初設緬字館于滇垣令漢人習而譯之今雖十年一貢然其
 輸誠之奏納款之文仍不時上達亦當事者所宜講求也考
 緬字授自緬僧有深淺優劣之別其精者知晦明風雨日月
 剝蝕乾隆六十年孟幹以貢使入都乃購 御纂五經康熙
 字典 淵鑿類函及朱子綱目李時珍本草十數種以歸詩
 書之澤被及化外而花冠環耳之輩行隨琉球高麗安南共
 凜 聲教矣猗歟休哉

滇繫後序

予之輯滇繫也閱四載始克告竣呈
之相國費筠浦師山長姚姬傳先生
願園初大中丞時帆法學士柏溪楊
方伯舊史洪穉存皆謬蒙推許且有
為之序者是書雖仿志而作顧郡志

滇繫後序

必異於邑志省志又異於郡志繁簡
疎密之間蓋亦有說焉或曰子之繫
凡十二而典故藝文至二十六冊餘十
繫則僅十四不已多少失倫乎予曰唯
唯否否十繫可闕俱可於典故藝文
中索之膚寸之雲觸石而雨天下此由

小及大也須彌之山可納之芥子此由大
逐小也鹽銅倉為滇腹心之疾無所制
則害乘於肢體交緬藏乃滇肘腋之患
失其備則禍入於腹心况賦稅之零星
物產之歉薄歲糜協餉數十萬以
國家疆域之廣何需此區脫無用之壞

然五金之利惟滇是資外戶之藩惟滇
是寄無滇則無黔無粵且無蜀此亦

當守所熟籌者第莫滇之士窮經稽古
無以邊遠自尸其固陋則往哲可追滇
之農易耨深耕無以硤瘠自蕪其田園
則先疇可服滇之工取材落實無以奇

淫自蠱其耳目則世業可沿滇之賈持儉
習勞無以虛偽自腐其聲名則實遷可
久而為之上者鎮之以廉靜治之以清省
滇雖百世無虞可也乎老矣一官齷齪
縻祿江表上之不能為

朝廷効尺寸之功下之不能為閭閻興仁

讓之侶退而繫此以鄉人談鄉事尚得
清告歸林尤願與有志者補所未逮云
嘉慶十三年大雪後五日師範揆於望
江菩提寺之旅館



